

李文忠公全書

電稿



李文忠公電稿

卷之二十五目錄

廷護直督來電

光緒二十六年八月初一日到

端護陝撫來電並致各將軍督撫

光緒二十六年八月初一日到

滇藩仲姪來電

光緒二十六年八月初一日到

覆滇藩仲姪

光緒二十六年八月初一日辰刻

寄東撫袁慰帥

光緒二十六年八月初一日午刻

江督劉來電並致鄂督

光緒二十六年八月初一日到

覆江督劉峴帥

光緒二十六年八月初一日到

閩督許來電

光緒二十六年八月初一日到

覆閩督許筠帥

光緒二十六年八月初一日到

東撫袁來電

光緒二十六年八月初一日到

電稿二十五目錄

丁鎮來電

光緒二十六年八月初一日到

覆日本李使

光緒二十六年八月初二日辰刻

覆廷護直督

光緒二十六年八月初二日辰刻由德州飛遞

江督劉來電

光緒二十六年八月初二日到

江督劉來電

光緒二十六年八月初二日到

覆丁鎮

光緒二十六年八月初二日巳刻

東撫袁來電

光緒二十六年八月初二日到

覆東撫袁慰帥

光緒二十六年八月初三日辰刻

黃道來電

光緒二十六年八月初三日到

覆黃道

光緒二十六年八月初三日辰刻

河督任來電

光緒二十六年八月初三日到

覆河督任筱帥

光緒二十六年八月初三日辰刻



鄂督張來電並致江督盛京堂光緒二十六年八月初三日到

端護陝撫來電光緒二十六年八月初三日亥刻到

廷護直督來電光緒二十六年八月初四日卯刻到

覆護陝撫端午帥光緒二十六年八月初四日辰刻

覆廷護直督光緒二十六年八月初四日辰刻

東撫袁來電並致劉盛綽善奎許德劉玉端光緒二十六年八月初四日到

鄂督張來電光緒二十六年八月初四日到

覆鄂督張香帥光緒二十六年八月初四日巳刻

東撫袁來電並致江鄂督盛京堂光緒二十六年八月初四日到

倫敦羅使來電光緒二十六年八月初四日到

廷護直督來電並致各督撫光緒二十六年八月初四日到

端護陝撫來電並致各將軍督撫盛京堂光緒二十六年八月初四日到

電稿二十五目錄

東撫袁來電並致江鄂督盛京堂光緒二十六年八月初四日到

鄂督張來電並致盛劉許善光緒二十六年八月初四日到

東撫袁來電光緒二十六年八月初四日到

東撫袁來電光緒二十六年八月初四日到

江督劉來電並致盛京堂光緒二十六年八月初四日到

江督劉來電並致盛京堂鄂督光緒二十六年八月初四日到

覆江督劉峴帥光緒二十六年八月初四日酉刻

寄楊運司光緒二十六年八月初四日酉刻由德州遞保定

寄皖撫王灼帥光緒二十六年八月初四日到

寄江鄂閩督善將軍光緒二十六年八月初四日酉刻

楊運司來電光緒二十六年八月初四日自保定遞到

江督劉來電光緒二十六年八月初五日到

江督劉來電並致鄂督盛京堂光緒二十六年八月初五日

東撫袁來電並致江鄂督盛京堂光緒二十六年八月初五日

鄂督張來電並致江督東撫盛京堂光緒二十六年八月初五日

覆江督劉鄂督張東撫袁光緒二十六年八月初五日巳刻

江督劉來電並致盛京堂鄂督光緒二十六年八月初五日

江督劉來電並致盛聶王松張綽奎德許善劉松光緒二十六年八月

江督劉來電並致盛京堂鄂督東撫光緒二十六年八月初五日

廷護直督來電光緒二十六年八月初五日

清河高道來電光緒二十六年八月初五日

巴黎裕使來電光緒二十六年八月初五日

鄂督張來電並致盛劉許善光緒二十六年八月初五日

端護陝撫來電並致各將軍督撫光緒二十六年八月初六日

倫敦羅使來電光緒二十六年八月初六日

覆倫敦羅使光緒二十六年八月初六日午刻

寶收來電光緒二十六年八月初六日自保定遞到

閩督許來電光緒二十六年八月初六日到

鄂督張來電並致江督東撫盛京堂光緒二十六年八月初六日到

寄江督劉鄂督張光緒二十六年八月初六日戌刻

浙撫劉來電並致江鄂督光緒二十六年八月初六日亥刻

鄂督張來電並致盛京堂江督東撫光緒二十六年八月初六日亥刻

東撫袁來電並致江鄂督盛京堂光緒二十六年八月初七日

東撫袁來電並致江鄂督盛京堂光緒二十六年八月初七日

福州善將軍來電光緒二十六年八月初七日

電稿二十五目錄

三

端護陝撫來電

光緒二十六年八月初七日到

柏林呂使來電

光緒二十六年八月初七日午刻自俄京轉到

鄂督張來電並致江督東撫盛京堂

光緒二十六年八月初七日午刻到

鄂督張來電並致江督東撫盛京堂

光緒二十六年八月初七日午刻到

覆鄂督張香帥

光緒二十六年八月初七日午刻到

江督劉來電並致鄂督

光緒二十六年八月初七日到

寄德州飛遞廷護直督

光緒二十六年八月初七日午刻到

美國紐約達理表晤報來電

光緒二十六年八月初七日到

覆美國紐約達理表晤報館

光緒二十六年八月初七日申刻到

鄂督張來電並致江督盛京堂

光緒二十六年八月初七日酉刻到

覆鄂督張香帥

光緒二十六年八月初七日酉刻到

寄彼得堡楊使

光緒二十六年八月初八日辰刻到

電稿二十五目錄

四

日本李使來電並致劉張許善

光緒二十六年八月初八日到

鄂督張來電並致江督盛京堂

光緒二十六年八月初八日到

覆鄂督張江督劉

光緒二十六年八月初八日午刻到

東撫袁來電並致江鄂督盛京堂

光緒二十六年八月初九日到

寄羅李二使並劉張德王袁劉許善奎綽

光緒二十六年八月初八日酉刻到

東撫袁來電並致江鄂督

光緒二十六年八月初八日到

鄂督張來電並致江督東撫盛京堂

光緒二十六年八月初九日到

楊運司黃道來電

光緒二十六年八月初九日到

江督劉來電

光緒二十六年八月初九日到

江督劉來電並致盛京堂鄂督

光緒二十六年八月初九日到

鄂督張來電並致東撫

光緒二十六年八月初九日到

鄂督張來電並致江督東撫盛京堂光緒二十六年八月初九日到

鄂督張來電並致江督盛京堂光緒二十六年八月初九日到

覆江督劉鄂督張光緒二十六年八月初九日申刻

寄端護陝撫飛遞行在軍機處光緒二十六年八月初九日戌刻

閩督許來電並致江鄂督盛京堂光緒二十六年八月初九日到

河督任來電光緒二十六年八月初九日到

滇藩仲姪來電光緒二十六年八月初九日到

寄端護陝撫飛遞行在軍機處光緒二十六年八月初九日戌刻

覆滇藩仲姪光緒二十六年八月初十日辰刻

覆河督任筱帥光緒二十六年八月初十日辰刻

東撫袁來電並致江鄂督盛京堂光緒二十六年八月初十日到

鄂督張來電並致江督東撫盛京堂光緒二十六年八月初十日到

署粵督德來電光緒二十六年八月初十日到

吳道來電光緒二十六年八月初十日到

黃道來電光緒二十六年八月初十日到

寄倫敦羅使光緒二十六年八月初十日未刻

彼得堡楊使來電並轉江鄂督光緒二十六年八月初十日申刻

覆彼得堡楊使並轉江鄂督光緒二十六年八月初十日申刻

江督劉來電並致盛京堂光緒二十六年八月初十日到

東撫袁轉電並致各將軍督撫光緒二十六年八月初十日亥刻

寄海參崴商務委員李家鏊光緒二十六年八月初十日亥刻

江督劉來電並致盛京堂鄂督東撫光緒二十六年八月初十日到

東撫袁轉電光緒二十六年八月十一日到

東撫袁來電並致江鄂督光緒二十六年八月十一日到

電稿二十五目錄

五

寄東撫袁飛遞徐尙書等 光緒二十六年八月十一日巳刻

鄂督張來電並致江督盛京堂東撫 光緒二十六年八月十一日到

端護陝撫來電 光緒二十六年八月十一日酉刻到

寄東撫袁慰帥 光緒二十六年八月十一日到

寄江督劉鄂督張 光緒二十六年八月十一日戌刻

覆護陝撫端午帥 光緒二十六年八月十二日辰刻

覆鄂督張香帥 光緒二十六年八月十二日辰刻

東撫袁來電 光緒二十六年八月十二日到

東撫袁來電 光緒二十六年八月十二日到

寄西安電局速遞山西毓中丞李護撫 光緒二十六年八月十二日巳刻

覆鄂督張香帥 光緒二十六年八月十二日巳刻

廷護直督來電 光緒二十六年八月十二日到

電稿二十五目錄

覆廷護直督 光緒二十六年八月十二日巳刻

廷護直督來電並致各將軍督撫 光緒二十六年八月十二日到

江督劉來電 光緒二十六年八月十二日到

廣州李副將來電 光緒二十六年八月十二日到

高道保定來電 光緒二十六年八月十二日到

沈道來電 光緒二十六年八月十二日到

東撫袁來電並致江鄂督盛京堂 光緒二十六年八月十三日到

寄端護陝撫飛遞行在軍機處 光緒二十六年八月十三日巳刻

東撫袁來電 光緒二十六年八月十三日到

寄倫敦羅使並轉江鄂督 光緒二十六年八月十三日到

東撫袁來電 光緒二十六年八月十三日到

覆東撫袁慰帥 光緒二十六年八月十三日到

寄江督劉鄂督張光緒二十六年八月十三日

寄宿遷交章鎮光緒二十六年八月十三日申刻

端護陝撫來電光緒二十六年八月十三日到

東撫袁來電光緒二十六年八月十四日到

江督劉來電光緒二十六年八月十四日到

東撫袁來電並致盛京堂江鄂督光緒二十六年八月十四日到

東撫袁來電並致江鄂督光緒二十六年八月十四日到

寄端護陝撫飛遞行在軍機處並轉江鄂督光緒二十六年八月十四日到

刻日午

寄廷護直督光緒二十六年八月十四日午刻

覆彼得堡楊使光緒二十六年八月十四日未刻

寄伊犁長將軍新疆饒撫光緒二十六年八月十四日申刻

電稿二十五目錄

七

寄江督劉鄂督張光緒二十六年八月十四日申刻

寄李楊二使並致江鄂督東撫光緒二十六年八月十四日申刻

東撫袁轉電光緒二十六年八月十四日到

寄東撫袁轉電北京崑中堂等光緒二十六年八月十四日申刻

浙撫劉來電光緒二十六年八月十四日到

覆浙撫劉景帥光緒二十六年八月十四日申刻

皖撫王來電光緒二十六年八月十四日到

覆皖撫王灼帥光緒二十六年八月十四日申刻

日本李使來電光緒二十六年八月十四日到

覆彼得堡楊使光緒二十六年八月十五日辰刻

寄署甘督魏護陝撫端光緒二十六年八月十五日辰刻

江督劉來電並致鄂粵督光緒二十六年八月十五日日到

江督劉來電並致盛京堂

光緒二十六年八月十五日到

江督劉來電並致盛京堂鄂督

光緒二十六年八月十五日到

東撫袁來電並致盛京堂江鄂督

光緒二十六年八月十五日到

端護陝撫來電

光緒二十六年八月十五日到

廈門延道來電

光緒二十六年八月十五日到

寄署甘督魏護陝撫端

光緒二十六年八月十五日申刻

鄂督張來電並致盛京堂江督東撫

光緒二十六年八月十五日到

鄂督張來電並致江督東撫

光緒二十六年八月十五日到

署粵督德來電

光緒二十六年八月十五日到

黃道來電

光緒二十六年八月十五日到

江督劉來電

光緒二十六年八月十五日到

電稿二十五目錄

桐城吳汝綸編錄

廷護直督來電

光緒二十六年八月初一日到

兩電敬悉

兩宮已出居庸關幸陝扈從為禮端慶各王懷

啟王趙各尙書馬重兩軍門護衛中堂電商停戰日來當有

端緒務請先約保我宗廟幸甚竊維此次事變甚於咸豐

庚申庚申洋兵入都街市無匪禁城無犯此次宮廷內

藏京津庫帑悉乃焚掠中堂開議似可並論此兩端以抵焚

索再約以勿肆殺戮蒼生幸甚本司因係暫行護督藩篆未

經遞署所以切望相節早臨俾得專辦藩務儻尙須時日擬

以現署臬司沈道家本調署然遞道之臬府又頗難其人應

如何委署之處伏候明示前敵馬呂兩軍未散餉項如有缺

乏當為設法接濟宋軍已退紮保省榮相崇公昨已偕來並

聞

端護陝撫來電並致各將軍督撫

光緒二十六年八月初一日到

各省將軍督撫憲鈞鑒廿戌接太原李護撫沁電頃據大同

縣稟稱皇太后皇上聖駕西巡廿三輪駐懷來縣廿四

日駐雞鳴驛廿七日行至陽高縣俟探明駐蹕何處再行

續電先此飛報等語謹電聞

光緒二十六年八月初一日到

滇藩仲姪來電

光緒二十六年八月初一日到

宥電當達

二聖蒙塵是否先駐晉後幸陝現警蹕何處

聯兵眾怒難解幸衅由匪起憤洩或可轉圜所慮羣歐猜忌

內爭將起則以華為戰地苦更不堪矣如和議難成竟至激

成瓜分則彼族下手必速伯父駐滬無權觀望坐誤恐不為

千秋四海所諒似宜一面遷延議和一面奏請聯合江粵將
兵餉權力統握固保東南藉財賦爲用並速派部曲馳護
行在先振義聲後圖興起如慮左右效命無人義在滇有權
無位蹂躪疲乏恐盡力亦難保滇卽予一巡撫亦憂鬱蹂躪
而死轉不如隨節勤王死於軍旅較爲值得也丁槐雖稍欠
堅忍頗有將略夙經洋戰義如隨節勤王槐亦願來如能挈
同奏調札到卽行若須由滇自請義卽發奏滇現自守餉絀
難撥如有 旨調義並令撥餉則三十萬尙可勻湊行止請
慈意裁決如和議望成卽暫作罷論述弟南旋否系甚
覆溟藩仲姪 光緒二十六年八月初一日辰刻

豔電悉現擬奏請添派王大臣會同議和余不便奏調爾卽自請
亦未必行

電稿二十五
寄東撫袁慰帥 光緒二十六年八月初一日午刻

輝道電祖祁車輛早備淮軍餉械解到卽行潘鎮護運隊伍亦已
分紮惟至郟城須山東接護請電慰帥飭遵云乞酌辦

江督劉來電並致鄂督 光緒二十六年八月初一日到

傅相廿電悉事局至此何敢推諉惟自請派入全權殊於事
體有礙擬請傅相單銜具奏指請添派各銜名若聯奏坤未
便列銜香帥想謂然

覆江督劉峴帥 光緒二十六年八月初一日

東電悉極知公與香帥不便列銜已據各國電覆及日本電單銜
繕奏卽日馳遞 行在不知何日能達卽轉香翁

閩督許來電 光緒二十六年八月初一日到

乘輿西幸北望憂憤都中款事主持無人若復遷延大局何

堪設想中堂受全權之命實繫宗社安危一切蓋謀切
希密示現各國意旨何在似宜從稍與我者設法轉圜罷戰
通商最爲先著想卓識必早見及矣

覆閩督許筠帥

光緒二十六年八月初一日

卅電悉鴻商請各國停戰止兵各外部或以須與京使商酌或互
相推諉似另有密謀事關重大非緜力所能勝擬奏請添派王大
臣會同籌議惟慶邸已屢駕遠出未必肯回各國圖我同一意
見竟無親疏之分

東撫袁來電

光緒二十六年八月初一日到

東電悉卽飛飭克鎮接護

丁鎮來電

光緒二十六年八月初一日到

北事決裂吾師雖奉命全權萬難措手今日中華安能敵

電稿二十五

三

八國之眾非和不能紓眉急然彼強我弱要挾何堪是和與
不和直東恐不可爲也未審八國中有無離合機會可乘爲
我鬆一綫之氣否師一身繫天下安危而在滬則無地無權
和若不成措施種種棘手據槐管見當與峴帥同心合力大
興淮楚之師固守吳楚保全浙江湖廣完善財賦以圖中興
儻車駕西巡宜迅委夙將如章高元輩率精兵馳赴一行
在護蹕並保秦晉似不可遲滯中教案旣出英法含憤而
去兵端已啟團練兵防一無足恃餉項奇窘火器尤不敷用
槐因仲仙在此故勉出在省議辦團防仲仙奇才遠略獨出
冠時洵足造福全滇但得稍假時日槐當力佐仲仙星夜辦
理因滇地勢之險用滇民力之強或可背城借一固守滇疆
惟接濟餉項火器不得不仰賴鄰省耳滇民忠義固結人心

尙爲可恃但恐敵人索割滇地否則議駐兵於滇 朝廷不能拒絕滇失則黔粵川楚必繼滇而失禍亂不忍言矣萬一敵議及此乞中堂力顧危局設法保滇伏候電示遵行

覆日本李使

光緒二十六年八月初二日辰刻

豔電深佩蓋籌前奉 旨授全權卽奏明開議時籲請添派親信曉事之王大臣會同籌議青木代籌各節正合鄙意已據電馳奏請派慶榮劉張同爲全權大臣便宜行事以便與各國卽行開議慶榮如已隨扈請飭由 行在星夜回京會議劉張各有疆守祇可電商俟奉 旨後再電知望先密告伊藤青木二公代申感謝再將來議款青謂甯償費勿割地極承關切惟中國實已報窮斷難多償如何籌抵屆時再商此節尙未敢宣明並望節錄轉楊羅呂裕伍各使

覆廷護直督

電稿二十五

四

光緒二十六年八月初二日辰刻由德州飛遞

勘電悉電商停戰各國外部均以京內情形未悉不能定議保宗廟 宮殿曾與英提督言或無礙至 宮廷內藏京津庫帑被掠照各國戰例係力戰所應得不能作抵此次事變關係太大鴻早奏明斷難勝任頃復奏請添派慶邸榮相劉張二督會同籌議榮尙在省乞先密請候 旨爲要至執事護督藩篆似應委署臬司周浩來滬已飭星夜遵陸北上彼係實缺或先奏留委署惟便

江督劉來電

光緒二十六年八月初二日到

東電悉甚佩已轉鄂榮相有佳保數日再赴 行在說亦無

一字南來奇極

江督劉來電

光緒二十六年八月初二日到

東電內所敘滬解四成洋稅現查明亦係應提准餉已併飭

該道將扣餘之款係抵支何項查覆矣
覆丁鎮

光緒二十六年八月初二日巳刻

豔電所見甚是事變關係甚大非緜力所能勝已奏請添派慶邸榮相會同籌議俟得旨卽航海北上德國蓄銳而來恐其併吞東省津京退兵無日潰軍拳匪交閱肅清非易護蹕有馬重各營無須兼顧秦晉僻遠敵志不在此法甚倔強難保不窺伺滇粵守土須善自爲謀總之非好戰卽能禦敵餉械萬不若人鄰省更無力協濟張皇何益持以示義姪

東撫袁來電

光緒二十六年八月初二日刻

時局至此無所措手

宗社生靈悉賴盡籌京自十六七閉

城十四五所發各電奏未必得達日前飭按站挨查迄無覆到河間以北徧地匪徒潰勇文報難通良鄉早陷未達京各

電稿二十五

五

文報想必盡失上月中旬前後中堂寄京各要電可否再寄

陝迎遞

覆東撫袁慰帥

光緒二十六年八月初三日辰刻

冬電悉十六七閉城文報當仍接收事過再寄陝迎遞恐無益昨已由驛馳奏請添派慶榮劉張會辦並鈔摺電屬陝撫另行繕發事關重大斷非獨力能勝

黃道來電

光緒二十六年八月初三日刻

頃探滄州以南以北一帶土匪復盛惟梅提督未敢擅辦可否請憲台電飭梅提督相機辦理以免蔓延

覆黃道

光緒二十六年八月初三日辰刻

豔卅電悉昨已奏請添派慶邸榮相劉張二督爲全權會辦奉旨後定期航海北行屆時再酌至直境拳匪滋擾並附片請飭直

督嚴勦務卽傳知梅提督放膽辦匪吾能作主勿畏蒞

河督任來電 光緒二十六年八月初三日刻

大局岌岌不忍言矣和局能否有成乞速示

覆河督任筱帥 光緒二十六年八月初三日辰刻

豔電 悉和局尚無端緒已奏請添派王大臣會辦矣

鄂督張來電並致江督盛京堂 光緒二十六年八月初三日

傳相卅電峴帥東電均悉傳相單銜馳奏極是日本外部所

言甚見關切各國如肯照日本所言卽可開議中國尚有生

機惟 諭旨奉到不知何時殊為焦急洋兵不知又佔據幾

處矣至令鄙人隨同與議不勝驚悚國事至此豈敢推諉但

各國要挾必有難於上陳者洞望輕才庸豈可濫附諸元老

之列將來尚須懇辭耳

端護陝撫來電 光緒二十六年八月初三日亥刻到

東電摺片謹代繕校對無譌初三子時由六百里加緊探遞

行在 駐蹕何處俟得確信卽電聞

廷護直督來電 光緒二十六年八月初四日卯刻到

勘電計邀覽時局岌岌開議究竟如何抑仍須嚴備戰事祈

卽電覆不勝切禱榮相崇公同致意

覆護陝撫端午帥 光緒二十六年八月初四日辰刻

江電 敬悉費神感謝此摺似應有 寄諭交執事轉電奉到時乞

速電知

覆廷護直督 光緒二十六年八月初四日辰刻

豔電 悉各國設詞推宕尚未開議似須德國所派大帥帶兵到齊

方能集議要脅必多是以奏請特派慶邸榮相等會辦國事萬難

須共擔荷望先呈榮相知照崇公想奉 旨留守並乞致意戰事
應照常嚴備保涿一帶若有拳匪嘯聚須令解散免洋兵藉詞深
入

東撫袁來電並致劉盛綽善奎許德劉王端光緒二十六年八月初四日到
上月號代遞會奏事機日偪關繫安危摺頃由驛原封遞回
未能入奏謹聞

鄂督張來電光緒二十六年八月初四日到

前日中堂據各國電覆並日本電具奏一摺望將奏稿電示
為禱如由滬發約幾日可到京並示

覆鄂督張香帥光緒二十六年八月初四日已刻

江電悉奏稿已鈔寄由文報局遞另屬陝撫照電文代繕奏據復
於初三子刻發計兩三日可到太原俟奉 旨再電聞

東撫袁來電並致江鄂督盛京堂光緒二十六年八月初四日到

頃有人傳說 兩宮微服出京復改調馬玉崑隨扈馬集殘
兵三百餘追赴榮相廿八在保定奉 旨令榮徐守京都董
軍現移紮獲鹿兵皆滿軍不能成伍云說似有因

倫敦羅使來電光緒二十六年八月初四日到

卅電敬悉外部據實電慶邸王文韶崇禮留京候議云未審
確否彼族用意隨探隨電

廷護直督來電並致各督撫光緒二十六年八月初四日到

各省督撫鑒北來路多不靖保定無險可守凡應解京餉勢
難截存務祈設法探送山陝內城 駐蹕之所確交為要

端護陝撫來電並致各將軍督撫盛京堂光緒二十六年八月初四日到

各省將軍督撫李盛鑒據陝抵介休探電 皇太后 皇上

由北大路幸晉初六可 駐蹕等語謹電聞

東撫袁來電並致江鄂督盛京堂光緒二十六年八月初四日到

保定楊運司電 兩宮廿一 駐園廿二 駐興隆店廿三

駐昌平聞由居庸經宣大至太原禮慶端莊剛王隨馬軍

護榮相崇公宋帥廿六到保並聞董帶馬隊由易州趨迎云

鄂督張來電並致盛劉許善光緒二十六年八月初四日到

杏翁江電悉廈門乃日本所屬意今日兵上岸顯係在廈武

官乘此未議停戰之時藉端生事邀功惟有一面電廈門道

萬勿開衅並諭上海英德美總領事速電廈門英美德領事

務設法調停一面請傅相領銜會峴帥及洞銜電駐日李使

轉達日本外部切屬其諸事妥慎和平商辦勿令他國藉口

至礙亞東大局至應否會許善兩帥銜請傅相酌盼電覆

東撫袁來電電稿二十五 光緒二十六年八月初四日到

七月代遞軍機處總署皓電兩效電弼電兩馬電兩箇電養

電兩滌電頃均由驛遞回未能投到謹聞

東撫袁來電光緒二十六年八月初四日到

江電悉楊運司電禮慶端莊剛王扈從內意難測刻電商峴

帥擬約各督撫聯名奏請添派重臣會辦未知能商同否

江督劉來電並致盛京堂光緒二十六年八月初四日到

事機萬緊迄無辦法焦急莫可言喻兩公可否來甯面商共

籌補救無任感盼本擬來滬就教因謠重未敢出省祈諒並

望電覆

江督劉來電並致盛京堂鄂督光緒二十六年八月初四日到

香帥支電極佩請傅相速挈銜電木齋得覆祈示

覆江督劉峴帥

光緒二十六年八月初四日酉刻

支電悉已聯銜電木齋轉商頃袁電稱莊剛均隨扈此事竟無辦法鴻在此候 旨暫難趨謁諒之

寄楊運司

光緒二十六年八月初四日酉刻由德州遞保定

宥電悉榮相奉 旨留守確否更有何人莊剛是否隨扈探確飛示鴻昨奏請派慶榮為全權會辦得 旨後方能定期北上吳摯甫仍住蓮池或移他處即查明電知

寄皖撫王灼帥

光緒二十六年八月初四日

廬州陳守合肥趙令請以泗州三營調駐合巢之交以鎮中權不為無見請酌度辦理

寄江鄂閩督善將軍

光緒二十六年八月初四日酉刻

香帥支電屬列台銜電致日本李使聞廈門有日兵登岸未知何

電稿二十五

九

故此次各國聯兵入都承日政府先有保護 兩宮之言我國臣民實戴日皇厚誼今日兵忽在廈門上岸或因上年立界舊衅欲以兵威壓服土人但界已議定立約自無異說或武將邀功致有此舉惟力保東南和平似未可稍見兵端致啟各國覬覦請切商日政府暫令止兵和平商辦仍希速覆等語除挈發外俟覆到另聞

楊運司來電

光緒二十六年八月初四日自保定遞到

宥電敬悉又探聞廿一晨教民攻東華門 兩宮倉猝就道

駐園廿二

駐興隆店祇有轎車五輛大阿哥在內衣物款

均未帶廿三

駐昌平慶端莊禮剛王隨徐留昨有 諭旨

一催款一催當差人員速赴

行在董已帶馬隊攜款由易

州馳赴宣大一路榮相在保小住候吾師確電並飛告晉撫

預備一切北迎 聖駕有人廿一晚在長辛店見城內火光
燭天洋兵舉動俟探確再電准練墮困當與黃道竭力籌濟
傷猶未愈壽樞與同班臨急始行均在房措資卽赴晉外部
有覆信求密示

江督劉來電

光緒二十六年八月初五日到

昨尊處遞 行在一措一時未能奉 旨目下事機萬緊久
延禍不可測亦非奉有切實 諭旨各國斷不肯開議擬請
公參酌前奏電致陝撫繕摺馳遞庶可早日得信欲圖挽回
必須將外人尊崇 兩宮之意妥切敘明使左右無可藉口
請酌

江督劉來電並致鄂督盛京堂

光緒二十六年八月初五日到

香帥支二電悉頃請中堂參酌昨奏電陝具摺遞晉與香帥

電稿二十五

十

意同此時商各國少候亦是救急法請中堂妥籌此外如有
良策應行會銜坤當列名

東撫袁來電並致江鄂督盛京堂

光緒二十六年八月初五日到

山窮水盡勢難再戰然隨扈諸公意見難知慶榮甚孤未必
能主 九重驚恐之餘想無定見宜趁此由各督撫聯名會
奏痛陳艱危冀可以多勝少堅迴 聖衷且各國以救使勦
匪爲詞現使已救而匪仍未勦晉直徧地皆匪晉又多殺教
士洋兵犯晉並分擾各省均在意中晉不保奏必難支各省
裂餉源必竭偏安之局必亦難成縱使幸成而經營締造何
所取資至 宗社 陵寢八旗子弟 兩宮豈忍遽棄而億
萬生靈久沐高恩又詎忍任其塗炭奏懇早定大計迅圖轉
圜上慰 列祖 列宗在天之靈下慰億兆蒼生之望乞酌

宋

鄂督張來電並致江督東撫盛京堂

光緒二十六年八月初五日

慰帥江電悉 西幸旬餘尚無辦法誠恐大局潰決補救之

法似不外迅與議約榮相幸在保能電奏留之否慶邸大約

隨扈如允派慶太原到保至速須八日傳相據各國及日本

電馳奏到 行在尙早覆 旨亦遲各國既無停戰之語德

兵大至任意橫行各國效尤愈難收拾此時有何補救良策

或一面向日本外部商云已照李使所言具奏電綫久斷奉

旨須旬餘屬各國稍候或兼向英美德商或別有辦法如

有急應上陳之事或一面聯銜電奏驛奏統請傅相峴帥慰

帥速籌見示即請傅相主稿電示當與諸帥公同商妥速行

再 聖駕初六日到太原則電陝轉晉不過四五日較驛遞

為速祈酌

電稿二十五

十一

覆江督劉鄂督張東撫袁

光緒二十六年八月初五日巳刻

香帥慰帥支電峴帥豪質電均悉請添派全權及勦拳匪摺片敝

處初二發陝撫代繕初三發大意已盡應候 批旨再定辦法德

兵二千至津聞因雨水阻緩進總須各國允派全權方可開議徒

焦急於事無濟請再籌酌

江督劉來電並致盛京堂鄂督

光緒二十六年八月初五日

杏翁微丑電悉敝處現接達道斌十五自京發函都城危迫

榮無策迭次陳奏未能挽回 慈意欲戰係由王公激成

上則始終主和議今事急主戰諸王公及近仁輩皆垂頭不

語畏懼萬分拳匪十逃六七惟有議和一策迄無消息等語

觀此似尙可望轉圜請香帥速擬奏見示遲則無及切禱

江督劉來電並致盛聶王松張綽奎德許善劉松

光緒二十六年八月

初五日刊

頤山西臬司冬電 皇太后 皇上廿七到陽高縣約初六

七到晉省隨扈端莊慶肅四郎澤溥定三公倫肅兩貝子剛

趙英三大臣餘未悉帶兵未知確數毓帥奉 旨扼守固關

李護院赴北迎 駕京中留守未知何人榮崇由保來文卽

日督隊到晉京餉解 行在 聖躬均萬安云

江督劉來電並致盛京堂鄂督東撫

光緒二十六年八月初五日

慰帥支電悉京陷半月迄無辦法各國僉謂中國已無政府

德續調重兵英調兵駐滬日在廈門尋衅各占先著伺隙而

動一國開端分裂立見秦晉偏僻何能久存慰帥所言實爲

篤論目前計惟有速結尙可弱而不亡若德兵到華不可救

電稿二十五

十二

藥矣可否由中堂領銜電約各省會奏聯名愈多愈好電由

陝撫馳奏請 旨儻允轉圜尙有一綫生機香帥有何卓見

祈速示

廷護直督來電 光緒二十六年八月初五日到

省電悉憲節將次赴津盼禱之至有准期務乞先行電知今

已派沈道能虎等率同文武巡捕各員役繞路往津迎候再

聞留守十二人惟知徐相在京瀾公在香山榮相崇公來省

日內赴太原 行在北京無確音

清河高道來電 光緒二十六年八月初五日到

前稟未知達否昨晤楊運司知奉諭飭探都中情形現知端

莊禮王隨扈並自居庸發 廷寄命榮相崇公留守現二公

均至保聞西苑被炸彈延燒又有云頤和園亦被搶此二說

未知確否容再探稟

巴黎裕使來電

光緒二十六年八月初五日到

有沁兩電遵送後外部在鄉尙未回信探聞已電畢使大約須候畢覆

鄂督張來電並致盛劉許善

光緒二十六年八月初五日到

頃致上海日本總領事小田切電曰連接盛京堂兩電云接閣下函開聞廈門文武官送書兵船云請速向口外開去廈門之事派兵登岸實不得已如硬退兵恐開衅端請速電閩省並達李劉張三帥退兵一節相機辦理此時無須硬求方能維持局面等語查此事敝處昨已電閩省切屬萬勿開衅並會同李相劉峴帥公電李木齋星使轉懇貴國政府和平商辦斷無硬行之事尊意擬如何方能維持局面當設法商

辦望速示覆至感

電稿二十五

十三

端護陝撫來電並致各將軍督撫

光緒二十六年八月初六日到

頃接陝駐太原廿八探稟今日懷來縣發來溜單扈從王公大臣係端莊慶肅四王澤溥定三公倫肅兩貝子剛相趙尙書英侍郎晉護撫李廿九起節迎鑾又陝頃接榮崇咨出省恭迎 聖駕隨帶米麪暨各種食物並雇辦潔淨肩輿駝轎多乘敬供 御用且恐內帑不敷暫將陝解京餉等銀十萬兩儘解 行在各等語謹先電聞

倫敦羅使來電

光緒二十六年八月初六日到

聞 乘輿初二抵太原確否晉滬通電否懇電

覆倫敦羅使

光緒二十六年八月初六日午刻

乘輿初六七可抵太原聞將赴陝晉電爲毓賢所斷陝尙通電希

轉各使

寶牧來電

光緒二十六年八月初六日自保定遞到

壽帥自戕後三印繳內閣筠及中協奉委赴閣取印十九入城佳賢良寺竟夜子彈橫飛黎明叩閣請印出洋兵已入東城二聖夜出隨扈馬玉崑孫萬林兵不滿二千由宣化先幸太原朝貴趨赴行在者多為亂兵所劫潰勇沿途搶掠大道諸州縣蹂躪殆徧靜海新榮拳民復熾榮相不日西行崇公自縊聞禮邸徐相在京瀾公在香港京師破後太和門六部端莊邸第諸廟皆延燒省防客軍惟范天貴二營徐得標四營呂本元三營餘軍潰散大半皆西去津郡洋人已與華民通商

閩督許來電

光緒二十六年八月初六日到

電稿一千五

十四

支電祇悉廈事費蓋籌深感李使前經致電尙未覆重以鼎言尤著力事關全局仗維持儻事如有確聞乞電示

鄂督張來電並致江督東撫盛京堂

光緒二十六年八月初六日到

前日德領事祿理璋照會奉政府電德兵祇為防仇害洋人及占權之臣各省督撫若能保地方平安願仍敦睦誼等語查祿領事來晤云將赴滬謁德新派欽差有何要語可代致洞云望其勸德新使早日開議祿云聖駕已行此事難議須請回京方好議洞云駕赴晉陝恐難遽還何不即與全權大臣李相議祿云李全權是端王所派各國恐不願與議聞李是端黨洞云此大誤矣李相領銜會督撫奏請勦匪救使六七次見解明與端不合且李相之全權實係東南各督撫十二會奏請派旨遂允准祿聞此語爽然曰若李之全

權係東南督撫所奏請各國或可與議洞云西例有地主則
可議李相係實缺直督順天直隸皆直督轄 聖駕雖遠順
直現有地主何爲不可議祿無說洞云李相已奏請添派慶
邸榮相同議冀有親臣易於邀准祿云榮軍攻使館洞云榮
力諫開衅曾苦奏七次拳匪太多各軍皆有武衛中軍新募
人雜其中難免有通匪妄爲者實非榮意葵繙譯官云榮部
下軍豈不能管洞云拳匪勢熾挾制 朝廷 諭旨尙有患
在肘腋朝廷種種爲難之語祿云兵多約束不到事亦有之
洞云山東袁中丞明事理能勦匪貴欽差諸事可與袁商辦
必於彼此有益祿云德員在山東因鐵路事屢與袁商又云
中國大員明事理者能多幾人就好了語氣似尙好祿云貴
部堂所談各節能徑致德新使通函電詳說更好德新使可

電稿一十五

十五

與各國商等語此時要在先認全權先認地主渠既有督撫
公舉可認之語不知可信否地主亦須極力自任可否卽由
傅相將此意探詢德新使謹飛達餘續陳示覆

寄江督劉鄂督張

光緒二十六年八月初六日戌刻

頃接駐俄使歌電自聞洋兵內犯 車駕蒙塵心膽俱裂連日
奔走外戶兩部力籌挽救均稱事已至此實乏良策刻下北京無
主各武員便宜行事勢難遙制其意蓋因屢次代我設謀均未照
辦不免怏怏也嗣經迭次懇商並告以我知中俄邦交有逾歐美
無如華洋各報議論均言俄心叵測隱圖中國我甚惡之此次進
兵本爲救使今已保全俄兵何妨先撤以作榜樣全兩國數百年
交誼慰中國數百萬人心以示實惠而箝眾口反復勸解彼意稍
動始允設法轉奏頃據面告俄主已允卽日將兵隊公使人民一

併撤至天津以示真心見好至東省之事鐵路有公司承當將帥請中國懲辦俄決不據尺寸土地飭詳告貴大臣此係勉副傅相與閣下再三之請切勿誤爲畏怯一面速請 皇太后 皇上回京或先迅派合例全權議事遲則恐德統帥到華別有舉動並請傅相與南省督撫之負民望者會奏辦理等語戶部辦事明決肝膽照人俄主言聽計從外部不稍掣肘此絕大轉機不可再誤鑿各國均肯照辦京師必須妥籌鎮守萬一民變復作子黎更遭塗炭且又與人以可乘之機不可不慮乞轉峴香諸帥通籌迅速奏辦儒叩卅電遵轉羅北京留守確係何人並示云據此確是轉機請峴香二帥酌奪由香擬稿電由鴻轉電陝撫由驛六緊代奏至請 兩宮回京摺內宜參活筆迅派合例全權議事鎮守無逾於慶榮但恐未必遽回耳乞速籌覆

電稿二十五

七

浙撫劉來電並致江鄂督

光緒二十六年八月初六日亥刻到

接陝電敬悉 駕蒞晉省 聖意未識如何大計不速定愈

遲愈難收束現既得 行在確信各省似未便緘默蓋籌如

何祈速定示遵

鄂督張來電並致盛京堂江督東撫

光緒二十六年八月初六日亥刻到

杏翁歌電悉請將釀難者處分謝天下一節疆臣不敢言惟

傅相全權尙可言耳請降 明旨一節必應加入各省交涉

事件仍遵 前旨及條約辦理請駐太原一節尙須酌鄙意

擬請傅相設法與現到滬之德新使晤談照徹處歌電婉達

看其是否肯認爲全權速示再籌總之第一節不能言總無

辦法

東撫袁來電並致江鄂督盛京堂

光緒二十六年八月初七日到

頃接保定信初二日崇公自縊宋祝帥是日起太原榮相擬初六七赴行在云

東撫袁來電並致江鄂督盛京堂光緒二十六年八月初七日到

香帥歌電悉德使至滬想已相晤可否即告以凱能保東省

平安儻有匪徒竄擾定可盡力剿平現與在東德國文武官員相處均甚和睦等語是否乞酌裁

福州善將軍來電光緒二十六年八月初七日到

日本領事聲明廈兵專事保護難令撤回已商許帥再三切

屬廈提道嚴防內匪勿得生衅焚寺一層許帥派陳道同書

查辦聯擬令稅務司杜華達偕往知繫盡慮謹聞

端護陝撫來電光緒二十六年八月初七日到

未電敬悉所論大計攸關曷勝佩服 聖駕入關在即隨扈

諸公朝夕共事中堂明察當鑒苦衷似以不列賤名爲妥

柏林呂使來電光緒二十六年八月初七日午刻自俄京轉到

卅電敬悉德使到滬若倩總領先容或可會晤瓜特齊已啟

行聞令駐華二年未知何意中堂全權揣各國意因兩宮

出幸誰秉國政且此旨未經總署知照各使專報藉詞挑

剔德以俄爲從違請俄皇邀德皇居間調停各國或可聽從

回天之力全仗蓋籌聞京門破燬 兩宮駐蹕何處曷勝痛

哭心緒糟亂妄陳愚見用備芻蕘

鄂督張來電並致江督東撫盛京堂光緒二十六年八月初七日午刻到

昨歌電德領事照會云云係撮上海德總領事暨漢口德領

事函電大意簡略過甚恐失語氣茲將原電原函照錄詳達

上海德總領事克納貝上月廿七日來電云本月廿三廿四

等日接准來電均已轉電本國外部茲奉電覆現在德國於中國舉事僅爲保護德人暨防北京佔權之臣並其同黨蓋因此次開衅係伊等之罪本國與平民並無異心南方各督撫若不開端失和本國亦敦睦誼等語合將此電轉致以慰貴部堂廩念也等語又克總領事七月卅日來函云現有本國水師提督本日抵滬承面屬云本提督來滬之意不過爲自己察看情形該礮船不久卽入長江並謂本提督甚喜各督撫與各國共敦睦誼以致長江一帶近來均甚平靜本提督將來亦願照此辦理至礮船入長江一事亦祇爲和睦之意並幫助本國駐漢領事等語又漢口德領事祿理璋八月初三日來函頃奉本國駐滬總領事札飭本領事告知貴督部堂本國政府之意甚不願在中國起衅卽北方開戰不過

電稿二十五

六

防在京佔權之臣又其同黨而已本國新簡駐京欽差大臣現已蒞滬本領事擬明晚附輪前往謁見面陳要公如貴督部堂有緊要事件必需代達者本領事定於明日渡江趨晤面請指示等語特詳達體察詞意是否可信以便速籌

鄂督張來電並致江督東撫盛京堂

光緒二十六年八月初七日午刻到

歌電想達聞西例國君不在京便是無主之國任敵兵施爲若留有大臣求和雖坐於瓦礫之上猶可開議傳相既奉全權大臣之旨是留有大臣求和也傳相係直督是已奉

旨留爲地主也此時惟有傳相速發電札多件飛馬寄保定請廷方伯代繕代印徧發通省一係札飭順直兩司各道府州縣各盡職守照舊辦事不准擅離不准縱匪擾民曉諭居民辦團防匪毋得廢棄耕穫自相驚擾一係札飭各營統領

凡在順直境者無論本省兵外省兵 聖駕旣行榮相若赴
晉傳相旣爲北洋大臣又係全權大臣均應暫歸節制各軍
駐營何處現有幾營餉械是否有著據實飛稟當爲酌核奏
明辦理嚴禁搶掠焚殺逃潰一係札飭各軍統領暨順直兩
司各道府州縣遵 旨勦匪凡聚眾抗官者糾夥焚殺者卽
係土匪官軍民團均卽勦捕格殺勿論並須咨明廷護督及
榮相崇公亦發電託其代繕咨廷者託臬司代繕並加密電
言明此乃自認地主儘可杜外人無主之說以便催其開議
乃不得已之舉並非欲遙干其權婉切言之榮崇庶可不思
若我稍存有地主局面傅相執定卽係留直議款大臣總有
數分益處總之此舉振畿輔殘軍之勢收畿輔難民之心乃
我本分應辦之事祈裁酌速辦示覆

電稿一十五

九

覆鄂督張香帥

光緒二十六年八月初七日午刻

語電代籌各節思慮周密協機宜洵是當官之責奚敢諉延已
電廷護督照辦至德新使尙未晤或有成見不便先施俟晤時自
當詳切開導鴻候 批旨回俄使有到津確信卽航海往晤各國
皆注重縱庇拳匪亂兵之人和議必難就緒

江督劉來電並致鄂督

光緒二十六年八月初七日到

中堂魚電香帥語電均悉俄允先撤兵至津並聲明不佔土
地確係一大轉機請速辦奏至回京一節固宜斟酌但須將
外人尊敬 兩宮意切實敘明冀動 慈聽若輩無從阻撓
香帥酌之各國能否以俄意款動香帥語電各節均是應辦
之事危急至此未可拘泥統祈中堂卓裁

寄德州飛遞廷護直督

光緒二十六年八月初七日午刻

聖駕西幸外兵入都鴻爲直督兼欽差大臣當自任地主之責惟奉命授爲全權與各國有電商事件京津綫斷暫在上海料理稍緩卽赴天津昨已奏明畿疆拳匪潰兵充斥所在焚掠塗毒生靈官不勦不能保民我不勦必爲他人代勦更難爲國請飭下直隸總督督飭文武及各路援兵認真勦辦在案茲有通飭三事一司道府廳州縣應照舊辦事不准擅離職守凡土匪潰兵生事擾民卽准以軍法從事仍諭正紳辦團捕匪俾閭閻各安耕穫毋滋驚擾其守土文武有聞警棄城遠颺者一面照例拏問一面使宜委署一通飭各統領無論本省外省及武衛軍凡在直境應悉聽直隸總督節制一體約束隊伍靜候調遣如有騷擾查出立正軍法仍將現存營數人數及餉械數目飛稟核明酌辦一通飭文武凡地方團民無論習拳與否須聽官吏約束但有故違禁令殺人放火淫搶及糾眾聯會拒捕抗官旣爲亂民卽屬土匪由地方官一律痛勦並准被害之人格殺勿論以上各條請代繕札文蓋用關防示諭徧行順直各屬遵照

電稿二十五

二十

美國紐約達理表晤報來電 光緒二十六年八月初七日到

此開意思均願洋兵退出北京並認中堂爲政府議和大臣中堂能重整太平保護洋人勦辦團匪否

覆美國紐約達理表晤報館 光緒二十六年八月初七日申刻

洋兵果能退出北京議和較易至重整太平保護洋人勦辦團匪本大臣當力任之切勿疑慮

鄂督張來電並致江督盛京堂 光緒二十六年八月初七日到

傅相魚電悉俄肯先撤兵甚好全權議事鎮守自是慶榮惟鐵路有公司承當一語未解祈明示至請 駕回京萬難遽

允且恐政府動疑楊電已參活筆祇可聲明此據外部語轉
陳折重在迅派全權議事鎮守之人雖請派慶榮務須敘明
會同傅相以免誤會此事不可自謙誤事也請傅相主稿迅
速電示以便酌陳管見由傅相核定電陝驛奏峴帥及洞自
必列銜此外督撫將軍請傅相酌若告撤兵請派議願列銜
者必多傅相似可發簡電知會各省或謂請暫駐太原距京
較近但晉糧極貴拳匪極多運道艱電報梗種種不便地主
又別有見解奏報供億俱不如陝故留晉幸陝俱不敢請祇
可敬聽 聖裁目前議款以奉 旨捷速為第一義各國允
開議後方敢籌計 駐蹕之所此層並請裁酌

覆鄂督張香帥

光緒二十六年八月初七日酉刻

陽電悉東省鐵路合同本係華俄銀行承辦戶部微特暗為主持

電稿二十五

五

將來修理祇費款耳外人尊敬 兩宮自應敘入議事鎮守鴻斷
不推諉但難獨任其責兩公會銜此外不必徧商免需時日大稿
成即電示鴻有所陳亦當核入 駐蹕一節應隨後相機商奏

寄彼得堡楊使

光緒二十六年八月初八日辰刻

豔歌電悉微公力勸俄主撤兵至津是大轉機已電峴香二帥即
日會奏仍催派慶邸榮相速回會議和局鎮守得 旨後即赴津
德帥月杪可望求外戶部奏俄主轉致德皇勿另生波瀾為要
鴻已密告美日以俄願撤兵惟英巧猾難共語留守聞禮邸徐王
相瀾公餘未詳北城聞係日兵守尚有紀律

日本李使來電並致劉張許善

光緒二十六年八月初八日

支電遵商外部稱因教屋被焚暫時派兵保商實無他意決
非因從前有不割讓之說派兵據守請勿疑慮等語頃調運

船由臺灣派五中隊赴廈當據以詰問並再三開導乃允停止不派往但現在時事瞬息萬變似仍當隨時嚴防乞裁奪鄂督張來電並致江督盛京堂

光緒二十六年八月初八日到

甯黜卅電悉駐漢英領事亦有照會云奉外部電將來議結之時至於本國國家必向兩江湖廣二位督部堂請詢意見若何本國國家亦必以二位督部堂之意爲重等語並附有外部洋文電底細譯洋文語意似係因我兩人保護長江特先告我將來議結英國不肯撇開我兩人容我等亦發議論以願我等局面堅我等保護之心並非此時專欲我兩人主議也然此意卽甚好自不宜推卸留爲後日說話地步此時最急者停戰開議茲擬一會銜電覆上海英總領事其文曰甯漢英領事函稱照稱奉貴總領事及貴國外部電將來議

電稿二十五

三

結之時貴國國家必向兩江湖廣二位總督請詢意見若何國家必以江鄂兩督之言爲重並附外部洋文電底等因具見貴國敦睦誼顧大局安靜長江之意曷勝感謝查北方匪亂以來長江各省貨滯商虧中西商民同受其害北京警信後人心震動各處哥老會匪藉保國爲名紛紛起事擾亂焚殺搶掠雖經三江兩湖各省派兵勦辦查拏而和局一日不定人心一日不靜商務愈難振興英在華通商五十餘年沿江沿海始有此繁盛局面若非英國倡首聯同各國趕早調處設或匪擾愈甚必將各埠攪壞卽如天津情形恐非數十年不能興復查甲午中東之役英國不肯早作調停致落人後此時俄勢甚蠻德大隊將到固知英國必不願中國分裂但恐遲疑觀望事變百出長江之局江鄂極力維持若久不

停戰以致各省匪徒乘機四起全局糜爛塗炭生靈徒遂他國瓜分之計知必非英國之本願也夫兩國交戰彼此勢均力敵則大勝之後或不肯遽然停戰今以七八大國之強敵一中國雖停戰數月實亦無礙素知英國不利我土地而重商務且承外部厚意詢及江鄂兩省意見故敢密布腹心美日之意似與貴國相同即他國文電其語意亦皆不願決裂鄙意謂此時但患無倡議者耳望貴總領事電達貴政府外部速商美日兩國倡議停戰邀請各國速派全權與李傅相即日開議實感睦誼並請向外部道謝仍盼電覆劉坤一張之洞同電等語請峴帥斟酌應增應減應改統請裁定即發不必再商

公電覆鄂督張江督劉

光緒二十六年八月初八日午刻

電稿二十五

三

公電覆英語意極明暢佩甚請即照發

東撫袁來電並致江鄂督盛京堂

光緒二十六年八月初九日到

頃接保定微電奉

廷寄榮相徐崇在保候傅相幫同議款

榮行止云

寄羅李二使並劉張德王袁劉許善奎綽

光緒二十六年八月初八日酉刻

頃接保定廷護督支電軍機大臣字寄全權大臣大學士李鴻章

光緒二十六年七月二十五日奉

上諭七月二十一日洋兵猛

攻入城圍撲宮禁勢甚危險朕不得已恭奉 慈禧端佑康頤昭

豫莊誠壽恭欽獻崇熙皇太后慈駕暫行西幸此次衅起民教互

鬪朝廷辦理為難情形已歷次備具國書詳告各國彼方以代除

亂民為辭於國家並無他意而似此舉動殊屬不顧邦交未符原

議且中國於駐京各使臣始終委曲保全未嘗失禮尤不應如此

相待昨已派榮祿徐桐崇綺留京辦事然當各國氣勢方張之際恐在京未能遽與開議該大臣公忠素著平日威望亦爲外人所信服國事至此不知該大臣正復如何憤激著卽迅籌辦法或電各國外外部或商上海各總領事從中轉圜務期竭盡心力爲國家捍此大患朕不勝翹盼之至欽此遵 旨寄信前來此 旨於本日由懷來縣寄到令加封排遞第恐中堂不日赴津驛遞相左致誤事機冒昧拆閱先密電達原件仍由驛遞再 兩宮約初十前可抵太原雍叩支等語查各國外外部轉覆電語及洋報所述駐京各使詞意與 諭旨間有不符此事殊難議結昨已奏請添派慶邸榮相劉張兩制軍會同籌辦應請我各國駐使委婉向外外部解說從中轉圜至上海各總領事除英德並未來晤似別有意見外其已晤者曾屬其電商本國均稱無在此議事之權俟稍有轉機

電稿二十五

五

當航海馳赴津京相機會同商議合併附聞速轉楊呂裕伍各使

東撫袁來電並致江鄂督

光緒二十六年八月初八日到

香帥各電詳示德員函電問答細譯似非虛語可否乞中堂據其敦睦各語電德外部致謝並由沿海各督撫聯名電呂使達德廷致謝既答以禮且可立案伊自不易反覆如可行各省電卽乞香丈擬發附賤名爲禱

鄂督張來電並致江督東撫盛京堂

光緒二十六年八月初九日到

濟支電甯陽電悉慰帥忠悃懇切深明大局利害又恐偏見

者固執意欲各省合詞奏懇早定大計迅圖轉圜鄙意固所

甚願惟須擬有實在辦法查請派慶榮全權一條現於李傅

相奏俄願撤兵摺內已請矣又請明降 諭旨飭各省保疆

安民交涉照常頃已電傅相請添入矣此外有何辦法請速

示至少須三條方能成篇或不分條目亦可但勿重複請峴帥擬稿電示

楊運司黃道來電 光緒二十六年八月初九日到

晉款抵淮餉宗濂亦未知其事山西並無劃款解到尙求飭查催解爲叩

江督劉來電 光緒二十六年八月初九日到

庚電悉坤得駐甯英領事函後於初六函覆甯英領轉達大致與香帥電同公電仍電請香帥逕發

江督劉來電並致盛京堂鄂督 光緒二十六年八月初九日到

鄂庚電悉既請中堂主稿卽祈速辦萬勿再遲坤願列銜德兵將至狡謀難測能設法預杜否中堂想已籌及

江督劉來電 光緒二十六年八月初九日到

電稿二十五

五

庚電悉有此 寄諭辦理稍有憑依既有全權大臣字樣卽與聯軍入京後所派無異盍分電各駐使向外部酌量聲明以期從速開議伏祈卓裁

鄂督張來電並致東撫 光緒二十六年八月初九日到

聞潰軍紛紛南下多到德州所有鎗械若非攜去爲盜便是賤賣似宜在直東兩省分投設局攔截收買酌給川資勒令回籍既益軍資亦弭後患望中堂與慰帥速籌之

鄂督張來電並致江督東撫盛京堂 光緒二十六年八月初九日到

此次摺尾擬附數語曰懇頒 諭旨飛飭各省將軍督撫言

聖駕暫時西幸已派王大臣等與各國妥爲議結各省將軍督撫務須照常辦事鎮靜民心勿令擾亂保守疆土勿稍疏虞於交涉事件仍遵迭次 諭旨按照條約辦理遇有各

種匪徒藉端生事嘯聚焚殺意圖乘機作亂立即派兵剿平勿任滋蔓擾動大局各省官民見此明諭人心自靜內地自安免致重貽宵旰之憂等語請傅相峴帥核定酌敘至禱並示覆

鄂督張來電並致江督盛京堂

光緒二十六年八月初九日到

傅相虞酉電悉徹處陽電係請傅相主稿摺峴帥及鄙銜會奏今來電仍令徹處擬稿似有誤洞百事允迫心思枯澀且敘俄事亦不清楚豈能擬此奏稿務請傅相主稿速奏不可謙讓不可再遲切禱峴帥有卓見即請電商傅相敘入至前杏翁有歸咎釀難諸人之語此乃自生枝節萬不可添若添則洞斷不敢列銜

覆江督劉鄂督張

光緒二十六年八月初九日申刻

電稿二十五

庚

庚電悉已擬會奏摺片各一又覆奏廿五寄諭一片內鈔俄戶部廿一廿九兩電有歸咎執政縱匪釀禍之語卻非出自自我意既由鴻主稿自當獨任其咎今晚由六百里加緊馳奏另電陝撫代繕驛遞以期迅速會稿即咨送德兵將大至聞其注意在搃擊政府無從預杜

寄端護陝撫飛遞

行在軍機處

光緒二十六年八月初九日戌刻

密刻有萬緊摺片三件清單一件請速代繕費神校對即用印花六百里加緊驛遞行在如有批旨或寄諭即請代拆先行

電傳一面加封六緊遞滬鴻若已行可由盛京堂轉寄京津事關

重大總求迅速至深感禱鴻坤洞佳正摺文曰大學士調補直隸

總督臣李鴻章南洋大臣兩江總督臣劉坤一湖廣總督臣張之

洞跪奏爲款局急宜挽救不可再失事機會同恭摺密陳仰祈

聖鑒事竊自七月十六日以後臣鴻章遵旨屢向各國電商先行停戰距洋兵入京僅止數日深恨無可挽救七月二十一日以後復以停戰撤兵分電切商各國皆以勦匪弭衅各節中國未能照行兩宮離京情形迥異設詞推宕未允各派全權議事但事機愈緊豈容坐待迭與各駐使等再三設法探討冀有轉機仍一面將局勢危變情形於八月初一日專摺馳陳並電由護陝西撫臣端方就近代奏恭待後命初六日接駐俄使臣楊儒電稱自聞洋兵內犯車駕蒙塵心膽俱裂連日奔走外戶兩部力籌挽救均稱事已至此實乏良策刻下北京無主各武員便宜行事勢難遙制蓋因屢次代我設謀均未照辦不免怏怏也嗣經迭次懇商並告以我深知中俄邦交有逾歐美無如華洋各報議論均言俄心叵測隱圖中國我甚惡之此次進兵本爲救使今已保全俄

電稿二十五

七

兵何妨先撤以作榜樣全兩國數百年交誼慰中國數百萬人心以示實憑而箝眾口反覆勸解彼意稍動始允設法轉奏頃據面告俄主已允卽日將兵隊公使人民一併撤至天津以示真心見好至東省之事鐵路有公司承當將帥請中國懲辦俄決不據尺寸土地飭詳告貴大臣此係勉副臣鴻章與臣儒再三之請切勿誤爲畏怯一面速請皇太后皇上回京或先迅派合例全權議事遲則恐德國統帥到華別有舉動並請臣鴻章與南省督撫之負民望者會奏辦理等語查戶部微特辦事明決肝膽照人俄主言聽計從外部不稍掣肘此絕大轉機不可再誤儻各國均肯照辦京師必須妥籌鎮守萬一民變復作子黎更遭塗炭且又予人以可乘之機不可不慮乞轉電臣坤一臣之洞等通籌迅速奏辦等語臣又先接俄戶部微特七月二十一日二十九日兩電內

稱各大員之擾亂大局者應請懲罰不貸而於東三省違旨肇亂各官請嚴查懲辦不可以空言虛語塞責均係忠告之言另單鈔呈御覽臣鴻章即與臣坤一臣之洞往返電商撤兵須有實約議事難託空言查西例國君不在京便是無主之國任敵兵施爲故必有留守便宜行事之全權大臣方能督辦和局今俄國請先迅派合例全權議事遲則恐德統帥到華別有舉動是爲目前第一要義臣鴻章前據日本所請奏懇飭令慶親王奕劻大學士榮祿星夜回京會議此實萬不可緩之舉如奉俞允臣鴻章即當航海先赴天津專候慶親王榮祿回京便可催各國派使會議蓋俄所允撤兵到津恐尙須會商各國而後定就使俄兵首先退至天津市義於我而我若仍以空言搪塞彼兵在津何難再進或稍遲疑不決轉瞬八月杪德帥即統陸兵兩萬而至德旣不能

電稿二十五

天

空回勢必攪亂各省愈鬧愈壞不可收拾恐德倡而俄隨德俄倡而諸國隨如上年膠州澳爲先旅順大連灣繼之威海衛廣州灣又繼之其前鑒也抑臣等又有請者攻使縱匪聯軍所以由天津犯京此各國公同向我理論之事也各使幸已無恙若能如鴻章所請剿匪之事責成直隸督臣可示以踐行之漸至毀路開衅俄兵所以佔據東三省諸城此俄國專案向我理論之事也署黑龍江將軍壽山署奉天副都統晉昌該二員壹意主戰豈不知三省兵械斷不足以抗大敵乃竟縱匪毀路另構衅端以致失陷多城殃害人民貽國家無窮之累其肇禍尤屬重大非另簡相當人員前往接替終難停戰擬請聖明以大局爲重即將壽山晉昌先行罷斥治罪以爲開衅償事者戒庶使款局漸可轉圜不致遷延再蹈覆轍臣等爲事機不可再失起見謹合詞據實瀝陳繕摺由

驛六百里加緊馳奏仍電屬護理陝西撫臣端方另行代爲繕摺就近轉遞以期迅速是否有當伏乞 皇太后 皇上聖鑒訓示謹奏

再與各國商議事件全賴電綫靈通臣鴻章行抵上海卽查明直隸山西兩省電綫全行被匪拆毀祇得暫駐上海尙可與外洋往來通電現已商由盛宣懷設法借款先將上海至天津另設海綫再由天津至上海復設陸綫並將晉綫次第修復中外樞紐方免阻滯惟畿輔千里主持無人拳匪潰兵充斥焚掠主客各軍概形散漫臣坤一之洞電商臣鴻章以各國議和必非旦夕可結之案旣調任直隸必當自任該省之地主冀可杜外人無主之說所關甚大臣鴻章卽已電屬護理督臣廷雍代爲繕札蓋用關防通飭本省地方官及本省外省各統領在直隸境內各軍均宜各守法

電稿十五

五

度遇有土匪潰兵滋事卽行認真剿除一俟到津卽當遵 旨一面會同添派之王大臣盡力籌議一面將順直各屬應辦事件勉力自任至鎮守京城尤非慶親王榮祿不能勝任臣鴻章如有可盡之責亦不敢推諉惟斷不能獨任其事但望畿疆稍能安靜兩宮早日回鑾以遂天下臣民之望以慰各國尊敬之誠此臣等日夜所禱祀以求者也再各省人心不靖會匪伏莽時有蠢動兼之康有爲黨羽分布各處造言煽惑尤屬可慮臣坤一之洞聯絡各督撫竭力防維總期隨時撲滅擬請速頒 諭旨飛飭各省將軍督撫言 聖駕暫時西幸已派王大臣等與各國妥爲議結各省將軍督撫務須照常辦事鎮靜民心勿令擾亂保守疆土勿稍疏虞於交涉事件仍照迭次 諭旨按照條約辦理遇有各種匪徒藉端生事嘯聚焚殺意圖乘機作亂立卽派兵剿平勿令滋蔓

擾動大局各省官民見此 明諭人心自靖內患自安免致重貽
宵旰之憂謹附片具陳伏乞 聖鑒訓示謹奏

再正在繕奏間接保定廷雍轉遞光緒二十六年七月二十五日
奉 上諭七月二十一日洋兵猛攻入城圍撲宮禁勢甚危險不
得已恭奉 皇太后慈駕暫行西幸此次衅起民教互鬪朝廷辦
理爲難情形已歷次備具國書詳告各國彼方以代除亂民爲詞
於國家並無他意而似此舉動殊屬不顧邦交未符原議且中國
於駐京各使臣始終委曲保全未嘗失禮尤不應如此相待昨已
派榮祿徐桐等留京辦事然當各國氣勢方張之際恐在京未能
遽與開議該大臣公忠素著平日威望亦爲外人所信服國事至
此著卽迅籌辦法或電各國外外部或商上海各總領事從中轉圜
務期竭盡心力爲國家捍此大患等因欽此伏讀之下汗涕交流

電稿二十五

三

自古邦交論勢不論理然其氣勢足以陵人者仍必執理與人爭
論查各國外外部轉覆各電及洋報所述駐京各使詞意與 諭旨
間有不符各使館皆謂兵民圍攻數十日之久幾無生路德使被
戕之後聞尙有荷比兩使受傷初則謂我祖匪不能護使繼則謂
我縱兵與匪合而攻使臣到滬以來接見各國總領事等眾口一
詞以爲始終未見勦辦拳匪之 旨故各國聯軍由天津而入京
師且入京師而仍添兵不止皆爲此也臣故於請添派王大臣摺
內兼請勦辦拳匪實以中國勢力不足強制各國若非理足更無
辦法從來城下之盟有越數十年而轉爲強盛者然斷無目前不
忍辱而能自全之理日本外部青木電請多派王大臣又請 諭
旨內須有 朝廷引過辭意各國方能開議否則德國所派之大
帥瓦爾德將率水陸全軍到華此人曾與毛奇畢斯馬同事位高

威重誠恐各國意指又必加厲傳曰禹湯罪己其興也勃焉竊願朝廷媲美禹湯先下罪己之詔夫能使海內臣民撫膺而痛哭即能使域外諸邦心悅而誠服也臣鴻章受四朝特達之知

今蒙畀以恢復神京重任雖衰邁無能曷敢諉卸惟臣子得效力於折衝俎豆之間仍必仰賴聖主得心應手方免隕越臣一面將此次諭旨轉電各國駐使楊儒等向外部婉轉解說尙恐

未能合拍至上海各總領事已晤者曾屬其電商本國均稱伊等無議事之權各國又未肯即派全權前來會議似不得不仍向在

京各使設法轉圜諭旨已派榮祿徐桐等留京辦事聞榮祿尙在保定斷不可再使離京但事關重大各國意在添派熟悉洋務

之王大臣主持其事否則終恐不能認爲合例全權徒延時日臣

一俟稍有轉機即當航海馳赴津京相機會同商議理合附片據

實先行覆陳伏乞聖鑒訓示遵行謹奏

電稿一十五

三

謹將駐俄楊使七月二十一二十九日兩次譯寄俄戶部大臣微特來電鈔呈御覽

一照鈔駐俄楊使七月馬電

俄戶部微特致電譯下中國亂事我皇極願早了事雖至此我皇與貴國暨太后睦誼無損且深信公如故亟盼各國添兵暨德

國統帥瓦爾特到華以前先自靖亂遲則枝節叢生恃愛勸公早乘我艦赴津我軍當隨處保護一面令各使到津請准我酌定兵

數派赴京城外迎接因公須與各使會議若彼不出公宣入都貴大皇帝應嚴飭東三省各將軍停攻保路之俄兵另派曉事全

權大臣馳往東省將遼旨肇亂各官嚴查懲辦備馬

二照鈔駐俄楊使七月豔電

勘電遵悉微稱情形至此俟德派瓦統帥到華定有辦法伊覆電錄下時局非空談所可挽轉要當實行耳凡各大員之擾亂大局者 太后 皇上應懲罰不貸且 太后 皇上當嚴諭以後不復攻擊毫無游移至俄國他日之護助貴國請中堂勿疑如閣下思惟以空言虛語他日決不願踐行者辦理如此重大之事則誤矣中堂應往北京實力奉行無忽微特押又外部文略稱現中俄交誼未稍損惟停戰須互商各國辦理俄兵占東三省各城非俟地方平靜保無後患未便退兵邊界禍根咎在疆帥兵丁亂民望速遷撤等語儒豔

閩督許來電並致江鄂督盛京堂

光緒二十六年八月初九日到

楊延魚電稱會商英美領事派兵登岸協護洋市內街由官自衛人心稍安楊電復稱日兵減退與英領事轉漢滬領事

電稿二十五

三

電言日兵將次退盡但留數名無帶軍器之說大略相符是廈事已粗定今辰陳道往聞上野回國未審何因諸仗維持

感謝

河督任來電

光緒二十六年八月初九日到

江電敬悉拳匪戕楊福同不卽痛剿禍變實基於此師在北海斷無此事東南半壁先與訂約毫無震動可見疆吏全在得人鑑已敗亡毓尚招拳晉耗甚惡此閒亦一意招拳近已稍悟內外當事者如醉如癡可怪已極大局如此和議必甚棘手我師爲天下安危所繫鑄日望之乞隨時賜示

滇藩仲姪來電

光緒二十六年八月初九日到

電諭並致丁槐電謹悉滇接公電云英倡議力阻瓜分惟須盡剿匪痛辦助匪大臣乃和又各國須議和大臣有主議權

乃准開議並云都內殘毀惟禁城未損諸說確否起節到津後和議難易成否及與滇事關涉者求設法先密示

寄端護陝撫飛遞 行在軍機處光緒二十六年八月初九日戌刻

初七日接駐俄楊使歌電俄戶部允可撤兵當即密屬日本駐滬

總領事電勸該外部一體撤兵開議頭據日本總領事小田切轉

呈外部電稱該領事往見李中堂探明前請 朝廷多派全權大

臣之 旨意如何曾否照准並密陳李中堂此時可以速請 兩

宮回鑾各國可保無事 兩宮回京則有政府可辦現在議和已

到時候可請各國從速議和等語今日洋報俄已向各國商酌撤

兵離京未知各國有無他意即使聯軍移津正宜從速議款應懇

聖明即允日本所請派令榮祿先在保定候鴻到津京會議一

面添派慶親王迅速回京如能趕在德軍未到之先開議稍有區

電稿一十五

別 兩宮動靜四海觀聽所屬各國俱請 回鑾日本已與各國

商明可保無事蓋恐王大臣辦事請 旨需時京都收復非遙

宮闕無恙不久即可迎 駕或請暫駐太原再相機回京伏乞

聖裁請代奏

覆滇藩仲姪 光緒二十六年八月初十日辰刻

庚電所述各節大致尚確余俟續 旨即赴津述將到清江

覆河督任筱帥 光緒二十六年八月初十日辰刻

魚電悉釀亂諸人應運而生竟無理可說各國憤不能平尚難開

議奏請慶榮會辦未奉 旨

東撫袁來電並致江鄂督盛京堂 光緒二十六年八月初十日

香帥庚齊各電均拜悉添派全權保疆安民退兵 回鑾已

得辦法要領但必須各國皆允退兵始可議及 回鑾至勦

匪一節似非含糊支吾所能了事又必須明降諭旨聲明拳匪脅制政府挑釁友邦圍攻使館戕害使員恣意焚殺生靈塗炭各罪蹟飭各督撫調派營隊分投勦辦冀復抹去前案與各國開議有詞頃奉廿六日諭旨已另電內有前據劉張等奏沿海沿江各口商務照常如約保護今仍應照議施行以昭大信等語與交涉照常意相合此外實在辦法或不可言或不能行姑難應命

鄂督張來電並致江督東撫盛京堂光緒二十六年八月初十日到

昨盛轉李木齋虞電言守護禁城事想是電傳相者似宜由傳相附片具奏以慰聖懷惟京官十五人與各使通函一節似可不敘若前摺已發或專發一摺或遇便附奏請酌署粵督德來電光緒二十六年八月初十日到

電稿二千五

三

庚電謹悉爲國捍患旨意屬望甚殷奏請慶邸榮相暨劉張兩帥會同籌辦已奉電旨否各國有無轉機補天浴日舉世惟公是賴儻能早赴津京既可就近籌商亦可屏蔽西晉一有行期祈電示

吳道來電光緒二十六年八月初十日到

昨起解北餉六萬用輪拖赴浦運濟

黃道來電光緒二十六年八月初十日到

江電感悉靖匪紳民戴德遵傳梅提督矣直省截留江北糧查已入東境如大局未定擬收存德滄一帶轉運局照料

寄倫敦羅使光緒二十六年八月初十日未到

俄經子通力辯允撤兵回津並商各國同撤爾駐英久與外部頗相得何以置若罔聞伊等爲洋商謠言所蠱惑謂我係端黨又俄

黨爾當辨其是非至今不認全權不與開議英與華素睦何至若是請自思職分所在明白詳覆

彼得堡楊使來電並轉江鄂督

光緒二十六年八月初十日

外部面告已電格使及統帶速撤俄兵隊官民赴天津業徧告各國政府並詢傳相回電云何此事具詳歌電到否乞覆以便轉達

覆彼得堡楊使並轉江鄂督

光緒二十六年八月初十日

庚電計達頃接佳電乞轉告外部謝撤兵回津並徧告各國政府美意昨已將歌電及戶部豔電全鈔馳奏並電陝撫就近另繕代奏東省違旨肇衅之將軍壽山副都統晉昌已奏參斥革治罪不敢空言塞責並告戶部至請太后回京日本亦力勸恐車駕初定須在太原稍息再議閱西報法美日均以退兵爲然惟英

電稿二十五

三五

德不允英惑於商謠不認全權不欲開議必亦不肯退兵頃方電羅詰問希卽轉羅令出力

江督劉來電並致盛京堂

光緒二十六年八月初十日

中堂杏翁佳電均悉會奏摺片已由中堂擬發擔當極佩目前陳奏各事要義已盡似無須再行會奏初二加派全權摺奉旨卽請電示

東撫袁轉電並致各將軍督撫

光緒二十六年八月初十日

各省將軍督撫七月二十六日內閣奉

上諭我朝以忠厚

開基二百數十年厚澤深仁淪浹宇內薄海臣民各有尊君親上效死勿貳之義是以盪平逆亂海宇乂安皆賴列祖

列宗文謨武烈邁越前古亦以累朝親賢夾輔用能宏濟艱難迨道光咸豐以後漸滋外患賴廟謨默運卒能轉危

為安朕以沖齡入承大統仰稟 聖母皇太后懿訓於 祖
宗家法恭儉仁恤諸大端未敢稍有僞飾亦薄海臣民所共
見共聞不謂近日衅啟團教不和變生倉猝竟至震驚 九
廟 慈輿播遷自顧藐躬負罪實甚然禍亂之萌匪伊朝夕
果使大小臣工有公忠體國之忱無泄沓偷安之習何至一
旦敗壞若此爾申外文武大小臣工天良俱在試念平日之
受恩遇者何若其自許忠義者安在今見國家阽危若此其
將何以為心乎知人不明皆朕一人之罪小民何辜遭此塗
炭朕尚何所施其責備耶朕為天下之主不能為民捍患卽
身殉社稷亦復何所顧惜敬念 聖母春秋已高豈敢有虧
孝養是以恭奉 鑾輿暫行巡幸太原所幸就道以來 慈
躬安健無恙尚可為天下臣民告慰自今以往幹旋危局我

電稿二十五

美

君臣責無旁貸其部院堂司各官著分班速赴行在以資整
理庶務各直省督撫更宜整頓邊防力固邊圉前據劉坤一
張之洞等奏沿海沿江各口商務照常如約保護今仍應照
議施行以昭大信其各省教民良莠不齊苟無聚眾作亂情
形卽屬朝廷赤子地方官仍宜一體撫綏毋得歧視要之國
家設官各有職守不論大小京外文武咸宜上念 祖宗養
士之恩深維君辱臣死之義臥薪嘗膽勿託空言於一切用
人行政籌餉練兵在在出以精心視國事如家事毋怙非而
貽誤公家毋專己而輕排羣議滌慮洗心匡予不逮朕雖不
德庶幾不遠而復天心之悔禍可期矣將此通諭知之欽此
謹轉

寄海參崴商務委員李家鏊

光緒二十六年八月初十日亥

此係楊欽差要電務速設法轉遞東三省或吉林毋得遲誤電云
覆東省三將軍公電請設法妥轉豔電遵商外戶部極力勸解彼
稱初因三省力保鐵路俄已允不派兵嗣因江省自認無力彈壓
始不得已派兵聲明保路助勦不與地方爲難孰意江省不自平
亂反先開礮尋衅越境來攻我何能任被礮轟按兵不動且將軍
行文聲言開戰棄好尋仇致有今日豈我之咎哉如欲停兵須先
繳軍器以示不再攻擊方可商議云此事自五月以來弟曾三次
徑電增帥兩次徑電長帥而覆壽帥託轉之電不下十數次無非
苦口諄勸勿輕啟衅原以維大局遵 朝旨而顧寅誼也奈各電
雖發而未轉到或雖到而未照行增帥並無一覆長帥電稱均未
得達致弟十數次電勸之言盡爲河漢屢受外戶部詰責而諸公
用兵並未得手能無憤懣刻下俄已允撤北京之兵以示交好尊

電稿二十五

七

處能就近向總監工暨俄統帶設法轉圜或冀補救萬一否則恐
彼異日歸咎有辭耳辱承下問敢布腹心儒虞云

江督劉來電並致盛京堂鄂督東撫光緒二十六年八月初十日到

鄂兩庚電悉初以 兩宮西幸慮彼復撓款局故擬各省會

請早定大計今中堂已奉懷來所發 廷寄飭令迅籌轉圜

又有 旨令榮幫辦日內中堂奏請加派全權摺亦必邀准

再將俄願撤兵奏聞並請 旨飭各省照常辦事是目前要

義已盡此外暫難議及至於如何議款不外喫虧二字似須

候外人發議未便由我先行陳請現在總以設法開議爲亟

鄙見如此尚祈卓裁

東撫袁轉電

光緒二十六年八月十一日到

留守無人事機危迫公既調直督授全權務求迅速來京挽

回大局乞覆徐卮李端遇曾廣鑾郭曾忻張亨嘉黃均隆朱祖謀高枏杜本崇柏錦林劉福姚鄭沅宋育仁黃曾源鄭叔忱汪貽書王鵬運陳璧陳懋鼎林開章張嘉猷于式枚曾廣鎔高樹陳秉崧李希聖喬樹柵王世琪卓孝復許穆蕃傅嘉年高向瀛勞啟捷同頓首初一日

東撫袁來電並致江鄂督

光緒二十六年八月十一日到

頃接徐尙書等朔函開廿一 慈聖出居庸西幸未知 皇

上駐蹕何所或云在宮乾清門堅閉 廟社 宮闈尙未震

動未派留守危甚請催中堂北上挽於內密保香艾維於外

天下幸甚云 上在宮當係疑揣近日有自京來者述京內

外安堵並無蹂躪

寄東撫袁飛遞徐尙書等

光緒二十六年八月十一日巳刻

電稿二十五

天

公等三十三人聯銜朔函敬悉事變至此尙能坐守不動公忠勁節欽佩曷任鴻在滬電商各國外部漸將就緒俄允先撤兵回津並轉商各國未知一律撤退否擬卽航海赴津如各使有到津者須小住會商再相機來京察辦廿五 諭旨派榮徐相留守榮在保定徐在何處請諸公就近懇商鴻章頓首

鄂督張來電並致江督盛京堂東撫

光緒二十六年八月十一日到

頃徹處單銜致上海德國駐京穆欽差電云昨漢口祿領事來見謂貴大臣已抵滬當卽面告一切領事云如鄙人有意見可徑達尊處查自北方亂匪滋事徹處迭接柏林呂星使及上海德總領事來電均謂貴國外部云貴國深知我 兩宮爲難並無仇視意各省督撫若不開端失和貴國願敦睦誼貴外部又云李中堂各國素所信服均盼早日北上各等

語又接貴國亨利親王來電傳述貴國大皇帝意旨亦甚平
和具仰貴國大皇帝寬厚爲懷曷勝敬佩茲又特派貴大臣
來華續修前好益見敦睦之誠尤爲欣幸惟望貴大臣上體
貴國大皇帝之德意下念中國良民之無辜卽日倡議停戰
聞英俄美日四國均有此意若貴國倡議定必允從查此次
北方匪徒滋事害及貴國使臣開罪各國實出我兩宮意
外我大皇帝已致國書婉謝並早派李中堂爲全權專
候各國停戰開議近日滬上洋報多有毀謗中堂者悠悠之
口均不足信查自起事之初李中堂卽屢次力奏保使勦匪
與沿江沿海各督撫意見相同故各督撫聯名會奏請派李
爲全權奉旨允准洋兵入京後中曆七月廿五日又奉
特旨派李爲全權催其迅與各國籌辦是李中堂確係我

電稿二十五

完

朝廷所特派且係沿江沿海督撫聯名奏保者毫無可疑此
時若再遲疑不與開議似與貴國初心不合且洋兵入都大
旨有二一曰救使一曰勦匪今洋兵已入京各使已出險拳
匪亂兵已逃散四方若再窮兵黷武天下騷然一日不停戰
則各省人心一日不定何所底止雖曰勦匪而眞匪未必可
獲良民實受其害況我兩宮此次蒙塵西幸艱苦備嘗直
隸一省數千里之內亂匪亂兵焚殺劫掠流離失所者不下
數十萬戶中國所損實已多矣貴國又何必延及他省乎務
望早日倡議停戰與李中堂開議俾中國可以自行從容勦
捕眞匪以謝各國爲禱再山東撫台袁保護洋人最爲實力
亦與各督撫同心亦望貴大臣於山東諸事與袁和衷商辦
當能彼此有益十數年來鄂省辦事所用洋人德人最多故

深知貴國人慷慨仗義又承貴國亨利親王不棄訂為友好
故於貴國之情極為親切際茲中國國事孔艱調停一切惟
貴國是賴用敢縷陳尚希鑒察示覆等語特奉達
端護陝撫來電光緒二十六年八月十一日酉刻到

電交代奏一摺二片及致 行在軍機處一件均已繕齊於
初十四馳發矣謹電聞

寄東撫袁慰帥光緒二十六年八月十一日

海軍幫統薩鎮冰稟海容困在津沽無餉各國兵艦環伺恐其襲
取南洋因船未來不肯發餉求電飭東海關道於解交海軍餉內
截留每月船餉四千六百七十五兩等語請飭關道查明就近酌
給並盼電覆

寄江督劉鄂督張光緒二十六年八月十一日戌刻

電稿二十五

單

羅使電蒸電惶悉初八日豐聞俄議即赴外部催問並勸照辦彼
仍以須俟實使電為辭端黨一節前奉鈞電有事由端剛我不謂
然之語豐譯示外部即不辨之辨俄黨一節外部未出諸口豐但
於報上辨正中堂全權外部並無不認洋人不議和則已如議和
中國惟有中堂一人何能不認豐自北方事起日赴外部勉竭驚
力惟中堂諒之撤兵開議一節一得外部確覆即電

覆護陝撫端午帥光緒二十六年八月十二日辰刻

卦電敬悉摺件均代繕遞屢費清神感極俟奉 批旨請遞上海
交杏蓀轉寄初二摺片尙未奉 旨何也

覆鄂督張香帥光緒二十六年八月十二日辰刻

致德使電明切詳盡足啟愚頑聞該使未奉國命又未遞國書故
不來拜然於鄙人無尤也現擬節後啟程赴津祇可俟其北來再

與周旋總之卽使開議元凶尙在政府亦無辦法奈何初二摺尙未奉 批旨

東撫袁來電 光緒二十六年八月十二日到

眞電悉遵飭煙道查明發給

東撫袁來電 光緒二十六年八月十二日到

眞電悉查北道驛站久阻徧地皆匪京公函係專足送詢稱行甚艱險出入京門洋人搜查甚嚴擬專二人各持一函設法密送必有一人可達但恐不能甚速

寄西安電局速遞山西毓中丞李護撫 光緒二十六年八月十二日到

車駕駐晉專恃西路電綫傳達 詔奏潼關電綫可通至山西何

縣爲止祈示所有自陝東至太原綫斷之處請迅飭局趕緊修接派兵按段巡護勿令再拆款局開議無日事變難知若消息遲滯

電稿二十五

望

貽誤甚大萬分要緊且上月曾奉 旨飭各省修護電綫望速辦期於必成至禱

覆鄂督張香帥 光緒二十六年八月十二日到

卦電急修晉綫已電毓李迅速設法籌辦

廷護直督來電 光緒二十六年八月十二日到

冬支電悉同日又奉峴帥電亦以各國要脅屬轉榮相等因奈榮相於初八由保起程於獲鹿一帶布置防營再赴行在不免耽擱恐誤事機除飛呈榮相外當將中堂及峴帥兩電另錄由驛六百里加緊排遞 行在軍機處爲請代奏請旨然事機萬急卽請中堂與峴帥一面開議一面候 旨遵行俾維大局出自鈞裁再榮相已赴 行在此後電致各件請逕達並乞知照各省

覆廷護直督

光緒二十六年八月十二日已刻

佳電悉榮相奉派留守又赴 行在未免誤事轉呈之件已否達到想 諭旨當亦催促日本電慶邸仍由北路折回乞飭懷來探稟在滬不能開議須往津京再酌

廷護直督來電並致各將軍督撫

光緒二十六年八月十二日到

光緒二十六年八月十二

各省將軍督撫鑒八月初八日奉

行在遞到明發一道文

日光緒二十六年七月二十八日奉 上諭自來圖治之原必以明目達聰爲要此次內訌外侮倉猝交乘頻年所全力經營者毀於一旦是知禍患之伏於隱微爲朕所不及覺察者多矣懲前毖後能不寒心自今以往凡有奏事之責者於朕躬之過誤政事之得失民生之休戚務當隨時獻替直陳毋隱當此創重痛深之後如猶惡聞讜論喜近讒諛朕雖薄

電稿二十五

聖

德自問尙不至此設平日未懷忠悃臨時漫撫浮詞甚或假公濟私巧爲嘗試則爾諸臣之負朕實深苟具天良不應有此所冀內外臣工各矢忠悃共支危局庶幾集思廣益用以救弊扶衰朕實惓惓有厚望焉將此通諭知之欽此除刊刷謄黃通行各省外合先電聞並希分行各屬俾眾咸知

江督劉來電

光緒二十六年八月十二日到

廷護督來電榮相於初八早乘火車往定州卽赴 行在謹

聞添派全權摺奉 旨否

廣州李副將來電

光緒二十六年八月十二日到

傳等經紳耆結繳德憲奉諭擬將傳等散各營充綫立功給獎合電稟

高道保定來電

光緒二十六年八月十二日到

敬稟者前電諒已呈覽頃知都中甚爲安靜漢人欲歸者並
聞議給護照惟京津拳民仍復滋事將洋人探馬殺害故於
附近搜捕省中昨接 廷寄有罪已求言 二詔崇公已自
縊榮相於今日起程先至獲鹿再候 旨呂軍門已到省聞
紫安肅一帶

沈道來電

光緒二十六年八月十二日到

敬閱宥冬支三電須候彼帥何處開議既未能即時迎節應
回明護院職道由德浦南行榮相處曾謁詢一切初八啟行

赴晉垣似節後面 聖都門無聞崑徐無耗

東撫袁來電並致江鄂督盛京堂

光緒二十六年八月十三日到

頃保定電局佳電榮相初八西行云曾迭寄函電均未接覆
由西折回又延時日廿六下 罪已詔廿八 求直言想均

奉到

電稿二十五

望

寄端護陝撫飛遞

行在軍機處

光緒二十六年八月十三日巳刻

前電駐俄楊使屬轉告

各部謝撤兵回津並徧告各國政府美意

已將歌電及戶部豔電全鈔馳奏並求外戶部奏俄主轉致德皇
勿另生波瀾爲要至請 太后回京日本亦力勸恐須在太原稍

息再議等語頃接楊使真電稱已將來電呈外戶部並以致謝伊
稱各國覆電均云撤兵極是惟慮兵撤而亂又起更難辦理儒謂

現有留守諸公且慶邸榮相速回鎮守無須過慮伊稱須有確憑
方足爲信現他國均謂中國已無政府如 兩宮明降諭旨卽日

還京切實派員交收京城彈壓地方便是確憑亟盼照辦又致德
皇一層伊允轉奏並云德亦不欲爲難了事之策在我善自爲之

等語乞代奏云云事關緊要不及繕摺乞速代奏請 旨電覆

東撫袁來電 光緒二十六年八月十三日到

直境匪徒充斥地方蹂躪民不聊生由東至京津保三路均梗阻京津尤甚官吏為所挾制或逃或困直不成世界聞馮義和統十三營在蘆臺李安堂所部各營在北塘均完善梅東益三營韓照琦兩營現駐滄州一帶范天貴五營及呂本元各營在保定保定新舊練軍約十餘營勦匪兵力尚可敷用中堂至津後或商明各國先調各營迅平直匪拯救生靈兼通運路至切盼禱

寄倫敦羅使並轉江鄂督 光緒二十六年八月十三日

東南大局訂約保護中國官自應力任惟近來康梁布散黨徒暗結廣東著匪區新及三合會首潘新桂劉福等聯各省會匪約在兩湖三江兩廣起事名為保國陰圖擾亂前月大通漢口唐才常

電稿二十五

學

等作亂事發經劉張二帥嚴辦起獲軍械票據直認康黨不諱中外共知粵省亂黨尤多均在香港余育之花園澳門知新報館密謀拜會最著者有何連旺何樹齡徐勤劉楨麟麥孟華陳宗儼容宏同往來港澳旬結盜匪訂期起事鎗礮由南洋用棺裝運入粵若不嚴辦必為北方之續有礙東南商務大局請速密商英政府電飭新嘉坡香港總督嚴密查拏拘禁以遏亂萌中外同受其益 卽電覆

東撫袁來電 光緒二十六年八月十三日到

頃煙關李道電稱煙無海軍款擬由四成洋稅內撥給海容餉惟不知交何處云已電飭設法或託稅司寄沽交海容

覆東撫袁慰帥 光緒二十六年八月十三日

文電悉海容餉蒙飭煙關交稅司寄沽轉給極為體恤京津保三

路被匪梗阻直省兵力略可敷用到津後亟應飭辦昨已飭梅東益迅剿滄州一帶廷藩膽怯無能尙謂省防空虛可咽

寄江督劉鄂督張光緒二十六年八月十三日

昨詢端護撫據覆批摺尙未到陝頃接晉臬電 聖駕約初五六到大同聞須少留豈因路遙至遲耶

寄宿遷交章鎮光緒二十六年八月十三日申刻

訓練當有就緒應卽剋日拔隊由德州赴滄州與梅東益合隊相機剿匪肅清道路聽候調遣

端護陝撫來電光緒二十六年八月十三日到

晉臬恩佳電云 聖駕約初五六到大同聞須少留 駐蹕

太原尙無定日等語謹電聞

東撫袁來電光緒二十六年八月十四日到

元電敬悉保定又有夏辛酉六營余虎恩四營協防

江督劉來電光緒二十六年八月十四日到

元電悉俄主暨各國所言均在情理目前以收京城剿拳匪爲最要前奏迄未奉 旨至深焦灼

東撫袁來電並致盛京堂江鄂督光緒二十六年八月十四日到

頃接榮相十一自正定來書謂同崇徐留京係照例事無留

守議和字樣擬赴 行在免夜長夢多現事已至此總以停

戰議和爲急要現在辦法惟有按李相所奏辦理或可轉危

否則期於必亡而後已云

東撫袁來電並致江鄂督光緒二十六年八月十四日到

崑相敬崇裕三尙書等公電已寄呈中堂陳夔龍廿九附書謂赫德稱各國無他意深盼慶邸中堂往議款卽可轉危爲

安已聯銜奏請添派慶卽刻回京務催中堂速北上云 批

摺回否甚盼念

寄端護陝撫飛遞

行在軍機處並轉江鄂督光緒二十六年八月十四日

刻日午

頃又接駐俄楊使元電請轉奏此次俄首先撤兵實非意料所及聞各國除英德稍有意見外餘均以撤兵為然或將效法緣和議一日不定卽商務一日受虧此各國所最注意也然欲和議速定必須兩宮在京全權各大臣方可面秉機宜妥速了結否則長途電奏必多遷延窒礙仍恐決裂伏乞 太后 皇上熟審利害卽日 回鑾上慰 列聖在天之靈下敷中外臣民之望如蒙俞允請速發俄主謝書並懇排解由儒力求設法向各國陳說轉圜可冀順手至 乘輿所蒞各國決不驚動車塵致誤和局從此

電稿一十五

哭

京師鎮定和議告成 宗社幸甚萬民幸甚時危勢迫冒死上陳

等語事關緊急不及繕摺乞速代奏請 旨電覆

寄廷護直督

光緒二十六年八月十四日午刻

前屬轉電正定董鎮保護該處教士等有無回覆如何保護頃據美總領事面稱接正定教士等告急並安州之新安拳匪圍困教士求速救護務祈設法嚴飭遵辦如有疏虞戕害應責成地方官賠卹抵償盼電覆

覆彼得堡楊使

光緒二十六年八月十四日未刻

真元電已電陝撫六百里加緊遞 行在軍機處代奏請 旨俟

覆再聞

寄伊犁長將軍新疆饒撫

光緒二十六年八月十四日申刻

頃接駐俄楊使草電俄兵部接急電伊犁又在備兵欲動查東三

省違 旨開衅俄兵深入已疊陷十餘城覆轍可鑿且鴻與俄廷商勸退京兵已蒙允行切勿再生枝節致誤大局仍速覆

寄江督劉鄂督張 光緒二十六年八月十四日申刻

頃又接楊使覃電庚悉真電遵謝外部據稱俄兵即日出京各國從違未決伊決不食言惟求中國竭力相助勿使伊後悔且為各國笑等語鄙意各兵不撤 兩宮必不還京而左右皆不欲了事之人諸多阻撓必梗和議將來仍歸決裂故元電奏請 回鑾實為要著至懇俄主說項亦外部之意仍乞我公會同諸疆帥合力籲請事或可行盼覆壽晉嚴參治罪深佩魄力維赴巴黎電到伊必欣慰外部又告頃兵部接急電伊犁又在備兵欲動儒已切實電阻萬勿開衅蹈東省故轍並望從速電阻以期助力毋使滋蔓至禱等語可否會銜入奏抑稍遲再辦乞酌示伊犁已另電阻

寄李楊二使並致江鄂督東撫 光緒二十六年八月十四日申刻

頃接保定廷護督文電頃接軍機大臣公函現有緊要 廷寄一道飭即飛遞文曰軍機大臣字寄全權大臣大學士直隸總督李鴻章光緒二十六年七月三十日奉 上諭全權大臣李鴻章著准其便宜行事將應辦事宜迅速辦理朕不為遙制接奉此旨後先行覆奏以慰廑系將此由六百里加緊諭令知之欽此遵 旨寄信前來云望告外戶部並速轉羅呂裕伍各使各告外部

東撫袁轉電 光緒二十六年八月十四日到

廿一 鑾輿西狩各國洋兵入城幸未焚掠 宮殿衙署均

各無恙岡等晤赫德探悉各使並無他意 宗社人民惟中堂是賴請速由海道赴京開議遲恐各國爭競大局糜爛不可收拾為此合詞敦促啟程並電覆崑岡敬信裕德崇禮阿

克丹溥善那桐舒文許佑身陳夔龍同叩廿九

寄東撫袁轉電北京崑中堂等光緒二十六年八月十四日

廿九日電敬悉前以事關重大非緜力所能獨任奏請添派慶邸

榮相為便宜行事全權大臣會同籌議尙未奉旨一俟奉到即

由海道北上楊使電俄國倡議撤兵回津各國從違未定惟德加

派重兵統帥月杪可到不知是何主意新報又稱初四聯軍佔據

大內若有其事公等能就近設法婉阻否

浙撫劉來電光緒二十六年八月十四日到

欽奉七月廿六電鈔諭旨做處以乘輿西幸衛扈無從

臣罪滋深恭摺披瀝自陳具奏尊處如何條奏廿八日明發

一道令直言毋隱公等儻有會奏之舉均乞示遵中堂另有

廷寄否大局岌岌刻不容緩目前有無轉機不勝焦盼待

電稿一千五

哭

覆之至

覆浙撫劉景帥光緒二十六年八月十四日申刻

元電悉做處迭奏添派王大臣會議款未敢以空言塞責

皖撫王來電光緒二十六年八月十四日到

前奉支電屬調營駐合巢之交以鎮中權即飭壽春郭鎮遵

照酌辦去後隨據電覆長淮要隘卓軍難抽尙屬實情先飭

由壽州就近調撥一營赴廬防守並令速募一營填補以昭

周密請紓盡塵昨接探報委員來電德索東省慰帥復以有

全權在俄即議撤京兵寸土不占拳匪藉查潰勇為名復在

滄州以上沿河搶掠併聞

覆皖撫王灼帥光緒二十六年八月十四日申刻

元電飭郭鎮撥一營駐廬巢足鎮中權德索東省未聞但其統帥

重兵到華後聲稱查究政府庇匪戕使者若不遂欲必有要挾俄
議撤兵各國從違不一滄州以上拳匪搶掠已飭梅提督嚴辦

日本李使來電

光緒二十六年八月十四日到

陸軍省接電初七敬尙書等七人與西德會晤聞慶邸初十
可抵沙河日軍派馬隊迎云

覆彼得堡楊使

光緒二十六年八月十五日辰刻

覃電悉各兵不撤兩宮必不還京左右必多牽掣公真元兩電
奏均極懇切未知可動聽否至會同諸疆帥籲請已將來電轉張
劉張以西遷爲然劉亦狐疑其餘尙難與言昨和使自京來密言
各使欲請太后歸政嚴辦端莊剛庇匪諸人始可議和此豈臣
子所敢言廿九雖有便宜行事之旨究亦空文慶榮添派尙未
奉旨榮已赴行在外人尙有訾議鴻實處萬難焦急奚似伊

電稿二十五

完

犁已加電勸希密轉稷臣

寄署甘督魏護陝撫端

光緒二十六年八月十五日辰刻

法總領事白藻泰函稱頃接電報知陝西西邊蒙古臨洮地方有
傳教士十五人被匪圍困甚急請速設法保護等語祈速查明嚴
飭文武妥爲保護免成衅端

江督劉來電並致鄂粵督

光緒二十六年八月十五日刻

中堂元電敬悉承電羅使商英政府感甚連接各屬稟報獲
匪訊供均係康逆黨羽前聞私運東洋兩截鎗用洋油箱裝
載當電屬滬日總領小田切商政府查禁並由徹處密飭各
關卡嚴拏嗣聞該匪改用棺木裝鎗紹酒罈裝子又經通行
密查各在案治亂用重典祈香帥靜帥一經拏獲訊取確供
不論官民先行正法再行奏聞庶遏亂萌而支危局

江督劉來電並致盛京堂 光緒二十六年八月十五日到

頃皖撫電保定探報聯兵入都俄兵即欲焚燒 宮闕日本

兵官未許旋均請示各國政府皆以保全為是現在大清門

以北一帶皆日本保護並請敬子齋尚書料理禁城內事內

廷宮監照常服役云

江督劉來電並致盛京堂鄂督 光緒二十六年八月十五日

頃慰帥轉來榮相真電支電敬悉刻下總以停戰議和為第

一急務事已至此斷無異議若再觀望遲疑事機則不可收

拾矣千祈萬禱並乞轉致李傅相為急要云

東撫袁來電並致盛京堂江鄂督 光緒二十六年八月十五

楊運司電仁和已到 行在榮相書內亦有懷隨扈說

端護陝撫來電 光緒二十六年八月十五日到

電稿二十五 辛

元電已照繕於十四日子時馳遞

廈門延道來電 光緒二十六年八月十五日到

泊廈日兵本早全退英兵亦撤去民漸集市面安堵請紓憲

塵

寄署甘督魏護陝撫端 光緒二十六年八月十五日申刻

今早據法總領事函稱臨洮有教士十五人被困求救頃又據比

國參贊來稱其地名甯條梁在長城北教士等在彼傳教多年地

方相安今忽被團匪圍困求速設法援救云祈查覆

鄂督張來電並致盛京堂江督東撫 光緒二十六年八月十

傅相元電寒甯鹽濟元電均悉 旨云便宜行事榮相函

云斷無異議極為欣慰但恐近臣不知各國要挾何事耳榮

相致慰帥書有云惟有按照李相所奏辦理或可轉危不知

所謂可照中堂所奏者係指何事祈示總之當道看議和太易奈何

鄂督張來電並致江督東撫光緒二十六年八月十五日到

張提督春發陳臬司澤霖兩軍潰後現俱到德州張自云尙存七成隊奉榮相札回防訓練等語陳軍必亦奉札回防傳聞兩軍實存將及五千查兩軍北行餉需軍火輜重轉運耗費無算始到畿輔今又遣回淮徐何也現在川粵援軍仍向北行在北之軍似不必又令南下且畿匪擾亂已極若不將匪剿平豈能結局竊謂不如將兩軍暫留德州遏直境之拳匪相機漸進至景州一帶該兩軍禦外不足剿匪有餘德景靜則山東之匪不作山東安則淮徐自安查張陳兩軍均係江南供餉其軍械則江供陳軍鄂供張軍似不宜徒勞跋涉

電稿二十五

至

置之閒地此事是否可行敢請裁酌尊意如以爲然擬請中堂峴帥電阻張陳暫勿南下暫住德州但須奏明並咨榮相耳祈示覆

署粵督德來電光緒二十六年八月十五日到

元電悉康梁謀爲不軌敝處先有風聞並接湘電卽飭嚴密查拏茲讀致羅使電尤爲切要之著現已照電知會英領事及港督並諄飭文武加意防範日來地方尙屬安靜謹此復聞

黃道來電光緒二十六年八月十五日到

蒸電諒鑿青縣獨流之拳匪已派員會同地方官勸諭現已漸散又探悉津中洋人聞憲節將臨出示安民並招商人赴津照常貿易憲台定期啟節乞電示

江督劉來電

光緒二十六年八月十五日到

寒電悉俄先撤兵意頗真摯子通所諭亦極切要惟 回鑾
一層各國兵隊尚未一律退出德續調二萬餘人亦未到華
我無得力大軍駐京恐難邀允統祈中堂裁酌坤無不從命
第無論如何董軍萬不可再行調回致敗和局伊犁事請嚴
切電阻公奉 旨便宜行事亦應將 廷寄全文電知伊犁
庶免誤會

李文忠公電稿

卷之二十六目錄

寄江督劉鄂督張光緒二十六年八月十六日巳刻

寄江督劉鄂督張東撫袁光緒二十六年八月十六日巳刻

寄江督劉鄂督張粵督德光緒二十六年八月十六日巳刻

東撫袁來電光緒二十六年八月十六日到

寄江督劉鄂督張東撫袁光緒二十六年八月十六日

覆江督劉峴帥光緒二十六年八月十六日巳刻

東撫袁來電並致各將軍督撫光緒二十六年八月十六日

覆東撫袁慰帥光緒二十六年八月十六日午刻

端護陝撫來電光緒二十六年八月十六日到

廷護直督來電光緒二十六年八月十六日到

覆廷護直督電稿二十六目錄 光緒二十六年八月十六日申刻

江督劉來電並致鄂督東撫光緒二十六年八月十六日到

覆江督劉峴帥光緒二十六年八月十六日申刻

日本李使來電光緒二十六年八月十六日酉刻到

鄂督張來電並致盛京堂江督東撫光緒二十六年八月十六日亥刻到

覆日本李使光緒二十六年八月十七日辰刻

寄江督劉鄂督張光緒二十六年八月十七日

端護陝撫來電光緒二十六年八月十七日到

署甘督魏來電光緒二十六年八月十七日到

東撫袁來電光緒二十六年八月十七日到

鄂督張來電並致盛京堂江督東撫光緒二十六年八月十七日到

鄂督張來電並致盛京堂江督東撫光緒二十六年八月十七日到

江督劉來電並致鄂督東撫光緒二十六年八月十七日到

寄廷護直督光緒二十六年八月十七日午刻

皖撫王來電光緒二十六年八月十七日到

覆皖撫王灼帥光緒二十六年八月十七日申刻

德署粵督來電光緒二十六年八月十七日到

江督劉來電並致盛京堂鄂督東撫光緒二十六年八月十七日到

粵藩丁來電光緒二十六年八月十七日到

東撫袁來電並致盛京堂江鄂督光緒二十六年八月十七日到

孫中堂自獲鹿來電光緒二十六年八月十七日到

覆孫中堂光緒二十六年八月十八日辰刻

東撫袁來電並致盛京堂江鄂督光緒二十六年八月十八日到

鄂督張來電並致盛京堂光緒二十六年八月十八日到

電稿二十六目錄

江督劉來電並致鄂督光緒二十六年八月十八日到

寄江督劉鄂督張光緒二十六年八月十八日辰刻

黃道來電光緒二十六年八月十八日到

高道來電光緒二十六年八月十八日到

柏林呂使來電光緒二十六年八月十八日到

日本李使來電光緒二十六年八月十八日到

寄端護陝撫飛遞行在軍機處光緒二十六年八月十八日午刻

寄慶邸光緒二十六年八月十八日

覆柏林呂使光緒二十六年八月十八日申刻

江督劉來電並致鄂督光緒二十六年八月十八日亥刻到

六國駐使來電並致南洋光緒二十六年八月十八日亥刻由俄京轉到

覆江督劉峴帥光緒二十六年八月十九日辰刻

寄江督劉鄂督張光緒二十六年八月十九日辰刻

寄德署粵督光緒二十六年八月十九日辰刻

寄德州遞黃道高道楊運司光緒二十六年八月十九日辰刻

寄倫敦羅使光緒二十六年八月十九日辰刻

覆彼得堡楊使光緒二十六年八月十九日辰刻

東撫袁來電並致盛京堂江鄂督光緒二十六年八月十九日

寄駐俄楊使駐日李使並護直督廷署粵督德光緒二十六年八月十九日

刻日已

寄端護陝撫飛遞行在軍機處光緒二十六年八月十九日

倫敦羅使來電光緒二十六年八月十九日申刻到

華盛頓伍使來電光緒二十六年八月十九日到

覆華盛頓伍使光緒二十六年八月十九日亥刻

東撫袁來電光緒二十六年八月十九日到

覆東撫袁慰帥光緒二十六年八月十九日亥刻

鄂督張來電並致盛京堂江督光緒二十六年八月二十日到

覆鄂督張江督劉光緒二十六年八月二十日巳刻

李護晉撫來電並致各將軍督撫光緒二十六年八月二十日到

黃道來電光緒二十六年八月二十日到

寄黃道光緒二十六年八月二十日巳刻

寄廷護直督光緒二十六年八月二十日巳刻

江督劉來電並致盛京堂鄂督光緒二十六年八月二十日到

覆江督劉峴帥光緒二十六年八月二十日

東撫袁來電並致各將軍督撫光緒二十六年八月二十日到

廷護直督來電光緒二十六年八月二十日到

鄂督張來電並致盛京堂江督光緒二十六年八月二十日到

寄周臬司光緒二十六年八月二十日

江督劉來電光緒二十六年八月二十日到

德署粵督來電光緒二十六年八月二十日到

姚道自濟甯來電光緒二十六年八月二十日到

東撫袁來電光緒二十六年八月二十日到

覆東撫袁慰帥光緒二十六年八月二十日

日本李使來電光緒二十六年八月二十日到

端護陝撫來電光緒二十六年八月二十日到

覆彼得堡楊使光緒二十六年八月二十日午刻

華盛頓伍使來電光緒二十六年八月二十日到

端護陝撫來電光緒二十六年八月二十日到

電稿二十六目錄

東撫袁來電並致盛京堂江鄂督光緒二十六年八月二十日到

寄護晉撫李筱帥光緒二十六年八月二十一日

鄂督張來電並致盛京堂江督光緒二十六年八月二十一日到

河督任來電光緒二十六年八月二十一日到

德署粵督來電光緒二十六年八月二十一日到

新疆饒撫來電光緒二十六年八月二十一日到

伊犁長將軍來電光緒二十六年八月二十一日到

金陵郭道等來電光緒二十六年八月二十一日到

江督劉來電並致盛京堂鄂督東撫光緒二十六年八月二十一日到

彼得堡楊使來電光緒二十六年八月二十一日午刻到

華盛頓伍使來電光緒二十六年八月二十一日到

盛京堂轉慶邸來電光緒二十六年八月二十五日到

盛京堂轉慶邸來電並致各督撫光緒二十六年八月二十五日到
寄上海盛京堂光緒二十六年八月二十五日酉刻

盛京堂轉慶邸來電光緒二十六年八月二十六日到
慶邸來電光緒二十六年八月二十六日巳刻

覆慶邸光緒二十六年八月二十六日巳刻
盛京堂轉端護陝撫來電光緒二十六年八月二十六日到

盛京堂轉端護陝撫來電光緒二十六年八月二十六日到
盛京堂轉榮相來電光緒二十六年八月二十六日到

東撫袁來電光緒二十六年八月二十六日到
鄂督張來電並致盛京堂江督東撫光緒二十六年八月二十六日到

盛京堂轉端護陝撫來電光緒二十六年八月二十六日到
盛京堂轉端護陝撫來電光緒二十六年八月二十六日到

盛京堂轉巴黎裕使來電光緒二十六年八月二十六日到
廷護直督來電光緒二十六年八月二十六日到

盛京堂轉善將軍來電光緒二十六年八月二十六日到
盛京堂來電光緒二十六年八月二十六日到

寄盛京堂光緒二十六年八月二十七日
盛京堂轉劉張王袁來電並致慶邸榮相光緒二十六年八月二十七日到

盛京堂來電並致江鄂督東撫光緒二十六年八月二十七日到
寄端護陝撫飛遞光緒二十六年八月二十八日到
行在軍機處光緒二十六年八月二十八日到

盛京堂來電光緒二十六年八月二十八日到
盛京堂轉廷護直督來電光緒二十六年八月二十八日到

盛京堂來電光緒二十六年八月二十八日到
盛京堂轉東撫袁來電光緒二十六年八月二十八日到

電稿二十六目錄 五

寄彼得堡楊使

光緒二十六年八月二十八日午刻

馮義和德州來電

光緒二十六年八月二十八日到

盛京堂轉鄂督張來電

光緒二十六年八月二十八日到

盛京堂來電

光緒二十六年八月二十八日到

盛京堂來電

光緒二十六年八月二十八日到

盛京堂來電

光緒二十六年八月二十八日到

沈署臬等來電

光緒二十六年八月二十八日到

寄德州轉遞保定榮中堂

光緒二十六年八月二十九日辰刻

端護陝撫來電並致各將軍督撫

光緒二十六年八月二十九日到

寄盛京堂

光緒二十六年八月二十九日

上海來電並致江鄂督

光緒二十六年八月三十日辰刻到

桐城吳汝綸編錄

光緒二十六年八月十六日巳刻

寄江督劉鄂督張

光緒二十六年八月十六日巳刻

頃接東撫刪電稱頃接初六自大同發樞咨轉電 諭旨曰軍機大臣字寄全權大臣大學士直隸總督李光緒二十六年八月初三日奉 上諭全權大臣便宜行事大學士李鴻章著即乘輪船來京會同慶親王商辦一切事宜毋延欽此遵 旨寄信前來又樞文曰前奉 諭旨命赫德向各國商借輪船赴滬接李鴻章迅速來京會同慶親王商辦事宜並有寄李鴻章 諭旨一道著該稅司派員齎送業已分別字寄在案惟事經展轉猶恐或有錯誤謹恭錄前次 諭旨列後即希貴撫迅速轉電李大臣可也等語奉 旨催令北上應即料理不日啟程慶邸想在途初一所發

電稿二十六

摺片至今未奉

批諭或有後 命耶

寄江督劉鄂督張東撫袁

光緒二十六年八月十六日巳刻

頃接駐美伍使鹽電稱庚電婉達外部據覆總統謂中國所派會議大員須與前在京殘害西人之事毫無干涉者方可會商云查近日洋報前圍攻各使館榮相所統各軍在內此電所謂干涉者或即指此

寄江督劉鄂督張粵督德

光緒二十六年八月十六日巳刻

頃接羅使寒電元電遵達外部允轉藩部即電飭新嘉坡香港總督查辦至康逆潛往漢口等處亦經電飭各該領事勿得收留云

東撫袁來電

光緒二十六年八月十六日到

頃接榮相十二日函謂傳相請添派自無辭理但裏邊無人主持贊襄掣肘堪慮擬先至獲鹿小住布置即赴太原云據

達斌來書述榮擬在獲鹿少候如奉 旨派議仍回保現願

和甚堅斷不能再持前議等語

奇江督劉鄂督張東撫袁

光緒二十六年八月十六日

香帥鹽電商留張陳兩軍在直勦匪慰帥刪電所論甚當陳軍騷擾本係家法應由峴帥奏咨回南早遣爲妥張已南行亦毋庸議直省現苦潰兵擾掠拳匪肆行祇須將現兵整頓嚴辦尙可敷用

覆江督劉峴帥

光緒二十六年八月十六日巳刻

咸電悉前只據俄日請 回鑾來電轉奏未敢自增出語所見與公略同董軍勿回尤難說伊犁已照尊示補電矣

東撫袁來電並致各將軍督撫

光緒二十六年八月十六日到

將軍督撫諸帥鑒亥密 旨派慶邸回京催李傅相北上會

同議款初六日 駕仍在大同

電稿二十六

二

覆東撫袁慰帥

光緒二十六年八月十六日午刻

刪電均悉榮相十二日函所慮極爲周密內廷無人主持必多掣肘前但據日本來電奏請添派卽已奉 旨儘可以各國謂圍攻使館有董軍在內爲詞恐涉嫌疑自請暫留 行在既有慶邸回京商辦鴻卽日航海北行弟務迅速密覆榮相酌定行止爲要

端護陝撫來電

光緒二十六年八月十六日到

寒電已照繕於十五未時馳遞

廷護直督來電

光緒二十六年八月十六日到

文日奉到陽電敬悉飭辦通飭曉諭各條遵照辦理周臬司浩由滬何日啟程乞飭速來爲盼查滄州一帶拳匪梅軍門懲創後地方安靜嗣因候補道譚文煥又在招集以致各處散而復聚正擬查辦開該道譚文煥來省謁見率著名拳目

九人意在窺伺煽惑當窮詰呵斥該道立刻率匪遁去隨派記名游擊范天貴追至距高陽縣八里地方文煥於歧道免脫將各匪目格斃八名擒獲一名取供處斬現將該道奏參革職一面移咨梅軍門就近嚴拏務獲正法以儆官邪再省中城關拳廠久散惟新容雄固涿霸及河間天津所屬拳民尙多嘯聚之處現擬河間滄州白溝河三處知照呂梅陳三軍涿州安肅定興三處飭派徐得標蘇長慶及練軍中營日內帶隊分路勦捕解散其正定涞冀大順廣各屬之匪聚散無常亦應設法嚴辦一俟兵有餘力或另到客軍再行派往以靜地方而慰憲廑

覆廷護直督

光緒二十六年八月十六日申刻

元電代辦通飭曉諭各條分派各營勦捕解散拳匪風聲所樹足

電稿一十六

三

使遠近震懾佩慰曷已前有誤傳執事庇縱拳匪今知其妄矣譚文煥本係壤種裕帥誤用以至津城失陷亟應參革正法以儆效尤外人謠言保定一路拳眾擬進兵痛勦或得少息淨言周臬司早經離滬或由尊處檄催速進弟屢奉 旨催擬廿一啟程

江督劉來電並致鄂督東撫

光緒二十六年八月十六日到

香帥鹽電悉張陳兩軍留北備用卓見極佩中堂到任後勦匪是第一要事非有大軍不能應手如願用該兩軍卽請電示敝處當電飭張陳駐德候信一面具摺奏明並咨榮相度必邀准張有七成隊陳來電傷亡逃散七百餘人已補足統計兩軍不下八千餘人兵力尙厚若以該兩軍不甚得力坤擬俟其到淮酌量裁併統祈中堂速示

覆江督劉峴帥

光緒二十六年八月十六日申刻

今早商陳張兩軍毋庸留直自不必再議矣

日本李使來電

光緒二十六年八月十六日酉刻到

庚電初十接到委曲向外部解說答因派兵護宮守兵放鎗遂至交戰現嚴守宮門禁滋擾足徵無他意寒電昨亦遵達撤兵各國本可允因德不肯撤遂多觀望日擬先撤一旅團聞慶邸到京我師似可北行乞鈞奪

鄂督張來電並致盛京堂江督東撫

光緒二十六年八月十六日亥刻到

頃接駐滬德國新派穆使十五日發來洋文電譯其文曰昨接貴部堂本月初三日發來惠電內開德國宜先倡議停戰並卽與奉 命全權大臣李中堂開議辦結事宜云云諸承不棄惠賜直言本大臣接讀之下實深感佩惟本大臣尙望長江各督部堂恪守前與各國所訂之約實力保護各國亦

電稿二十六

四

甚願實心保全大局是以我國大皇帝按照英法兩國辦法特命德國兵一隊駐紮上海以資保護至來電所請使北方停戰及開議一節目前本國政府實礙難照允如欲辦理此事必俟中國 朝廷先將有罪諸人嚴行懲辦本大臣意謂此次事變某王及王大臣實爲罪魁必俟中國 朝廷明降詔書切實諭示聲明其甚惡既往之事以昭信實而保將來如此則始可望有開議之端本國政府望中國大局早定之心亦如貴部堂之心同爲殷切惟目前大局所繫者卽在各督撫能力任保護想貴部堂願顧大局必能實心實力照辦所謂保護者非特指長江一帶但凡有各國人民及產業之省亦必須保護如山東一省尤爲緊要本大臣旣承貴部堂不棄將來彼此協力同心必能將中國目前紛擾之事辦理

妥協使我兩國仍歸於好而百姓得享太平之福是本大臣之至願穆電等語特照錄原電奉覽所察核可稍知德國議論端倪耳

覆日本李使

光緒二十六年八月十七日辰刻

諫電日擬先撤一旅團俄已先撤已請俄皇與德商勸但云須嚴辦政府主謀黨人方可議和慶邸聞已到京鴻廿一航海北上希知照外務

寄江督劉鄂督張

光緒二十六年八月十七日

頃接伍使銑電洋兵踞京兩宮西幸彼謂我國無主議論紛紜恐成分據美如肯居閒向各國訂明不分土地不驚兩宮子我照會中堂各帥能力請回鑾否如鈞意謂兩宮必返廷當竭愚忠候示等語回鑾殊不敢必如何答覆祈籌示

端護陝撫來電

光緒二十六年八月十七日到

咸電謹悉前據延榆鎮道府縣先後稟稱靖邊縣屬甯條梁地方向有洋人築堡設立教堂七月杪忽有山西拳匪十餘人渡河滋事蒙古兵助拳圍攻偽稱奉密旨滅洋教民奮擊拳匪傷亡殆盡而洋堡無恙惟蒙兵堅不肯散方得報即飛調練軍馬隊二旗馳往會營彈壓並飛飭在事文武各員妥爲保護解散復照會蒙古部長剴切開導勿生衅端昨據道府稟稱拳匪已盡蒙兵素怯雖未退去亦不敢猛攻方已二次照會該盟長曉以時勢動以利害備飭各地方官萬一洋寨不守即將教士教民翼護出險勿令損傷一人大約可望消弭方力所能到必盡力保護也

署甘督魏來電

光緒二十六年八月十七日到

咸電敬悉蒙教尋衅係甯條梁地方先派馬隊前往彈壓解散蒙悍罔聽已飛咨該部員勒調隊四旗並嚴飭文武保護想不至有失

東撫袁來電

光緒二十六年八月十七日到

三諫電敬悉遵卽密覆榮查此次救使實賴榮力疊據逃來弁勇面述榮疊有嚴令各營如洋兵出館撲犯可相機抵阻儻進攻使館傷害使臣按軍法嚴懲等語昨聞楊玉書統八營駐榆李安堂在北塘亦有八營現均缺餉似可酌留兩三營看守礮臺各抽五六營勦匪馮義和可抽十營夏辛酉六營呂木元所部均可抽派梅提督勦匪甚得力惜所部太少如撥數營會合可當一路拳匪毫無伎倆託名奉旨襄膺居多若剗切示諭一面探其聚處痛勦數股並由營幫同守

電稿二十六

六

令捕誅首要不難清理現匪勢漸衰惟鹽山慶雲任邱獻縣固安等處尙多悍匪民甚苦之

鄂督張來電並致盛京堂江督東撫

光緒二十六年八月十七日到

頃照錄德穆使覆電想已入覽頃滙電和使自京來密告傅相云云各洋人近日議論揣測之談亦不外此惟所云在第二節乃可刪第一節是否確有語氣細譯德穆使電語意雖堅強要求雖甚奢大約第二節若辦得好或可商刪第一節竊揣自洋兵入京各使暢所欲言之後各國頗含忿怒其情形口氣較七月前似稍變欲圖轉機惟盼俄極力排解日乘機協助俄日究係從前多一番聯絡故使託俄勸德俄主若允當可有益鄙意此時各國卽不肯明許開議然彼等志得氣盛亦未必十分秘密旁敲側擊要義自見望傅相速電日

李使俄楊使密詢外部並屬人在滬密叩小田詢其最要最難大端言明汝須告我方好籌商了事之法一面亦電屬羅使伍使密詢英美如俄日真願了事當肯露出最要宗旨我即可籌備對答之法先與商酌是無開議之名而有豫行密商之實俄日兩國當可行之請傅相速籌酌辦並示覆

鄂督張來電並致盛京堂江督東撫

光緒二十六年八月十七日到

竊擬一釜底抽薪之法擬各省聯銜遵求直言之旨條陳兩事一力劾董福祥大言欺罔通匪開衅該軍又不能出外禦侮在京在外縱兵劫掠誤國殃民請立予罷斥治罪解其兵柄派董部下數營官分統其軍歸宋馬節制令駐紮直隸地方附一密片言 朝廷如有為難之處或卽念其扈從微勞格外從寬交部嚴加議處飭令卽日回提督本任至其軍

電稿二十六

七

仍派人接統不准帶往一請 明旨痛勦拳匪瀝陳拳匪邪教惑人橫開巨衅在直在京糾眾藐法脅制 朝廷妄行殺戮劫掠官商行旅與髮捻無異畿輔人民恨之切骨罪大惡極若再不勦平直隸數千里良民將為荼毒無遺請飭直隸及各省督撫臣各省入衛之軍統兵大員分路認真勦辦並請 諭旨內提明拳匪字樣等語默揣 行在情形悔禍懼敵而無解法厭董惡拳而無辦法得各省公疏以為 朝廷助董或可罷拳或可勦且懼禍自危者將歸罪於董以謝外人希冀此外卽可不究亦必力為贊成董軍散弱則拳匪無依拳匪竄匿則 朝廷得行其意此舉實為安 兩宮起見且亦略寓謝過之意於時局不無小補此似是穩著常語請中堂峴帥慰帥籌示如可行卽請中堂峴帥主稿領銜再邀

各省聯銜以多為貴盼速示再正發電開據保定十三日探電
慈聖深惡團眾沿路驅散云

江督劉來電並致鄂督東撫光緒二十六年八月十七日到

中堂諫電慰帥刪電均悉陳軍既不可用糜餉可惜當候張
陳兩軍到淮後奏明酌量歸併遣撤

寄廷護直督光緒二十六年八月十七日午刻

煙臺電聯軍擬派兵四千名於八月十四日前赴離京五十六里
地方因該處有團匪一萬五千名之多並謠傳一兩禮拜後聯軍
從天津北京兩路進兵攻保定又報現因雨水過多難以運礮暫
緩往攻保定等語希嚴密防備勿張皇

皖撫王來電光緒二十六年八月十七日到

諫電謹悉德欲窺伺長江自應嚴密戒備其說若確想英與

各國必有牽制而東南保護之局恐為所搖曷勝憤懣

覆皖撫王灼帥光緒二十六年八月十七日申刻

聞查孫云英已與德說明不擾長江似尙近理

德署粵督來電光緒二十六年八月十七日到

諫電敬悉康逆蹤跡詭祕殊屬可慮外部允電新嘉坡香港
總督查辦並飭各領事勿得收留中外互相查拏使該逆無
從託足或可消患未萌此閒仍嚴飭文武多購引綫加緊搜
查並以附聞

江督劉來電並致盛京堂鄂督東撫光緒二十六年八月十七日到

香帥銑諫各電均悉默察現在情形商德最為棘手有戕使
之嫌而未得獨遂其願也由俄日兩國入手探詢意指自是
善策然大要不外和使所言第二節穆使固已明言亦即從

前如各使被害歸咎政府之意如俄日指請懲辦某某方肯
開議中堂到北晤商慶邸當可酌量辦理勅董請解兵柄極
要請中堂領銜香帥主稿會各省並摺密奏事機甚緊
可勿再商至勦匪一事中堂已有此奏尙未奉 旨度無不
允之理能再申前請亦可加勁並祈香帥酌辦鄙見勦匪本
督撫應辦之事中堂到任後必當放手爲之但能得一 明
旨庶可稍謝外人耳

粵藩丁來電

光緒二十六年八月十七日到

魚電敬悉奉諭保護之件但力所能爲總當設法圖全用副
慈廡

東撫袁來電並致盛京堂江鄂督

光緒二十六年八月十七日到

香帥銑電悉董與馬現赴

行在宋由豫赴陝聞洋兵逼近

電稿二十六

九

時曾命董出禦敵而所部出城卽西行沿途左右數十里焚
掠幾無人煙直至晉境搶掠不已挑衅騷擾誤國殃民咎實
難辭惟通匪二字似宜刪所部皆飽載有歸志宜遣散至誤
信邪匪倡言招撫欺奏解散引匪入京之相國似應並勦罷
斥請酌之

孫中堂自獲鹿來電

光緒二十六年八月十七日到

竊被搶後力疾出京到趙州舍姪傳斌情殷開缺以道員隨
節當差可否電致護督派往津轅近事何如乞覆

覆孫中堂

光緒二十六年八月十八日辰刻

德州局遞保定轉獲鹿局送趙州署交孫中堂元電悉聞京寓被
搶受驚甚念是否回壽抑他往似以甯滬爲宜姪世兄宜令耐守
弟現往津京有單騎見虜之慨隨員恐望而卻步也

東撫袁來電並致盛京堂江鄂督光緒二十六年八月十八日到

頃據楊運司電稱聞慶邸初八到京十一開議有四條一東

三省公共一天津公共一內地駐兵數處一須交拳會大頭

目未知確否云似不確

鄂督張來電並致盛京堂光緒二十六年八月十八日到

中堂何日啟程北上祈示此後事機日急北方消息難速且

南北應商之件極多電綫不通實恐誤事現有何法可將京

綫接通抑商借聯軍電綫不知彼族肯否即肯亦恐只能發

明碼請中堂杏蓀妥籌速辦示覆

江督劉來電並致鄂督光緒二十六年八月十八日到

中堂霞電悉 宮闕無恙當肯 回鑾第遲速難必聯軍未

去德兵方來亦不敢遽請既派中堂與慶邸在京議款何謂

無主美顧邦交當勸各國派全權速議早定一日 車駕可

早回一日此美國本懷仍賴伍星使大力應否如此答覆乞

酌

寄江督劉鄂督張光緒二十六年八月十八日辰刻

香帥銑電用意細密但謂懼禍自危者將歸罪於董以謝外人希

冀此外不究各國主意要我換政府不自今始今更挾持有具非

一董所能謝過也袁篠電較切實亦天下公憤即請香帥主稿會

各省並擊敝銜密奏鴻擬廿一登舟此後電驛皆阻不及會商諒

之

黃道來電光緒二十六年八月十八日到

德州至津電綫全燬未復敬聞憲節將臨各路電報均關緊

要現將由德至津已設馬撥以便轉遞電信

高道來電

光緒二十六年八月十八日到

頃接夔帥之孫初十日都中來函據稱慶王已於初八日回京十一開議因赫德請速來京會議可以居閒又接師門電奏故有此命並聞中有一款萬不能允至此事確否與條款若何容再探稟

柏林呂使來電

光緒二十六年八月十八日到

寒電轉告據稱辦法已詳篠電不另覆前請添派慶邸已奉

旨否如奉

旨乞徑告刷使並電示

日本李使來電

光緒二十六年八月十八日到

諫電謹悉頃晤青木詢撤兵議尙未定鈞駕北上允電告京津日軍各兵官保護惟他國仍須由鈞處知照

寄端護陝撫飛遞

行在軍機處

光緒二十六年八月十八日午刻

光緒二十六年八月十八日

前奉七月二十五日懷來遞發

諭旨當卽轉電各駐使頃接駐

德呂使篠電稱遵庚電婉告外部頃覆稱德須知兩宮現在權力及駐蹕處權力果不旁落方可與所派之人議事其全權實據應由新使刷次士潭驗明如果合式再聽國家暨德公使與各國商議德力勸中國不必待開議先將仇視洋人之事一律停止則和局易商於中國最有益云等語查刷次並未接晤鴻卽日遵旨航海北上請代奏

寄慶邸

光緒二十六年八月十八日

奉八月初三日

諭旨頃聞王爺已經回京鴻擬廿一遵旨航海北上乞知會各使轉致水陸提督公同保護到津後察看情形

如各國無阻卽行赴京謁商

覆柏林呂使

光緒二十六年八月十八日申刻

篠電已轉奏刷次到滬匝月與其領事並未來晤據稱須俟該外部吩咐方能會晤慶邸奉旨會辦已到京無從徑告刷使鴻定廿一航海赴津英德疑忌不遑恤矣

江督劉來電並致鄂督

光緒二十六年八月十八日亥刻到

中堂嘯電非一董所能謝過看題雪亮佩極但如袁電再加一人雖較切實恐外人所欲尙不止似可照香帥原議先翦羽翼餘待各國言之於事權誠有小礙實逼處此不得不爾也統祈香帥酌裁深盼中堂止發今行有期轉增倦戀惟匡扶危局日月重光十廟在天之靈實式憑之矣秋高乞珍重

六國駐使來電並致南洋

光緒二十六年八月十八日亥刻由俄京轉到

傅相峴帥鈞鑒匪難以來電繁費鉅六月初滬關撥三萬已

電稿二十六

十一

將告罄各館情形大同小異總署無從請領刻下和議未定言歸未便乞貸無門務祈兩公援手以濟急需而維使局擬求飭滬道先撥俄英美各館各四萬德法各三萬日館二萬至感乞先覆儒海寬庚豐祿廷芳盛鐸叩叩

覆江督劉峴帥

光緒二十六年八月十九日辰刻

巧電見推過重非所敢承悚懼曷已昨已密電榮相請速赴行在獨對密陳如能先發制人免滋多口未知辦到否

寄江督劉鄂督張

光緒二十六年八月十九日辰刻

現商杏蓀嗣後批旨及各路電報均爲設法轉遞接通京綫或借聯軍綫俟到北察看商辦黃道電由德至津已設馬撥亦可轉遞

寄德署粵督

光緒二十六年八月十九日辰刻

慶邸奉 旨回京會商鴻定於廿一航海赴津劉永福六營已令赴直候調遣郭學海王得勝兩營希即傳諭領四箇月餉由陸路起程赴直行時咨沿途各省知照爲感

寄德州遞黃道高道楊運司

光緒二十六年八月十九日辰刻

疊電均悉鴻定廿一航海赴津由德至津馬撥已設否有電設法

轉遞

寄倫敦羅使

光緒二十六年八月十九日辰刻

沙侯回若何定議慶邸已回京鴻定廿一航海赴津前途當無阻

礙煙沽新設海綫嗣後電報可逕達即轉裕伍使知照

覆彼得堡楊使

光緒二十六年八月十九日辰刻

洽公電悉電費實繁已逕飭滬道照數籌撥收到後請各咨總署備案希轉呂裕羅伍李各使

電稿二十六

十三

東撫袁來電並致盛京堂江鄂督

光緒二十六年八月十九日刻

聞德兵一萬五千人自八月初八日全卸大沽又聞盛京亦

於七月杪失守云

寄駐俄楊使駐日李使並護直督廷署粵督德

光緒二十六年八月十九日刻

日巳刻

陝撫端巧電謹將八月十八日亥時奉到由忻州六百里遞來八

月十五 行在軍機處 寄諭電呈奉 旨李鴻章劉坤一張之

洞等會奏摺片暨李鴻章初九日電奏同日覽悉七月二十一日

之變罪在朕躬悔何可及該大學士等與國同休威力圖挽救

宗社有靈實深鑒之所陳各節悉係目前最要機宜慶親王奕劻

計初十日可以到京本日復有旨加派榮祿會同辦理現在俄戶

部允可撤兵是機有可乘不可一誤再誤該大學士應即借乘俄

艦駛赴天津先行接印仍即日進京會商各使迅速開議至罪己之詔業於七月二十六日明降諭旨播告天下該大學士此時當已接到自行勦匪一節該大學士未到任以前已責成廷雍認真辦理本日亦有明發諭旨矣其餘皆當照請施行惟事有次第不得不略分先後耳朕恭奉 慈輿一路妥善現距太原兩站駐蹕久暫俟抵太原後體察情形再定進止此次變起倉猝該大學士此行不特安危繫之抑且存亡繫之旋乾轉坤匪異人任勉爲其難所厚望焉此旨仍著端方轉電李鴻章等知之欽此另希轉呂裕羅伍各使

寄端護陝撫飛遞 行在軍機處 光緒二十六年八月十九日午刻

前奉便宜行事 諭旨錄寄各駐使頃接楊儒條電稱譯交外部據稱便宜行事在中國仍是虛文非眞代君行權如歐洲故事且

電稿十六 十四

細譯 諭旨無 還宮意勢必遲延牽制議結無期他國早慮及此果爾各國一律撤兵德統帥來恐別有辦法速電傳相請 貴大皇帝降旨略謂各國兵來本係救使現俄已踐約撤兵各國自應照辦刻下亟須籌議善後遠道萬難遙制一俟各軍全撤准即日 還宮以便開議茲 特派某大臣與各國統領接洽交收都城又 特授某大臣辦事全權向各國商議云云如此措詞俄使易居閒排解可冀各國一律撤兵迅速議結等語務乞代奏以救危局云鴻查欽奉八月十五日電 旨俟抵太原後體察情形再定進止洵爲慎重萬全之策似可准俄外部所請降 旨俟各國軍全撤即行 還宮慶親王現已到京應請 特派與各國統領接洽交收都城 臣鴻章定於二十一日乘俄艦赴津如各使來會即與商議是否有當伏候 聖裁惟聞俄商各國同撤德英未允

既請俄居閒不妨有此 詔旨耳乞代奏

倫敦羅使來電

光緒二十六年八月十九日申刻到

寒諫遵告外部彼已電飭京津各提督知照保護

華盛頓伍使來電

光緒二十六年八月十九日到

寒電達外部據覆深望中堂有合式全權與各國商議並即

力保萬華美人性命財產嗣後無虞其意謂中堂如切實聲

明力保則美擬派員會議乞奪

覆華盛頓伍使

光緒二十六年八月十九日亥刻

巧電悉我實有合式全權與各國開議以後必可保萬華美人性
命財產爾何不切實聲明美派何員會議聞福士達奉命來華確
否

東撫袁來電

光緒二十六年八月十九日到

電稿二十六

五

直東交界鹽山慶雲吳橋一帶各有聚匪數千人時來東境

擾掠動輒有數十家幾至防不勝防擬就近酌撥營隊越境

尋勦以拯民生謹先奉聞

覆東撫袁慰帥

光緒二十六年八月十九日亥刻

巧電悉鹽山慶雲向多匪吳橋拳民亦多直力有所不及執事自

應派隊尋勦勿分畛域若令東隊隨時知會梅提督更當合力現

奉 明諭責成直督勦匪兄擬廿一日航海赴津接任後再籌調

度

鄂督張來電並致盛京堂江督

光緒二十六年八月二十日

傅相霽電悉

回鑾似難遽允昨聞人傳述日本當道語云

有誠心悔過

諭旨卽不 回鑾亦允開議果能如此好極

望速電李木齋星使詳詢外部是否確實各國之意如何措

詞方是誠心悔過並可託伍使商美問確後即可懇切馳奏
大約須提明不應戕使攻館天津燬租界直晉殺教士耳如
必須回鑾或擬一調停之法議兵撤至天津回鑾暫駐
保定此說不知可行否惟保定至京電綫須速接通只須有
綫料分段晝夜趕造七八日可畢拳勢已衰聞廷護院亦漸
懲辦傳相到直保護不難此外有何通電之法並望籌示又
聞日本人言各國極盼速了奈我未切實求和不知如何方
為切求亦望詢李使然大約亦可臆揣耳

覆鄂督張江督劉

光緒二十六年八月二十日巳刻

香帥效電悉楊使篠電俄外部謂俟各軍全撤即准還宮諭
旨云抵太原後體察情形再定進止是回鑾一節似可不必擬
議德法正在添兵無速了意求和更不願和不如不求矣

電稿二十六

十六

李護晉撫來電並致各將軍督撫

光緒二十六年八月二十日到

各省將軍督撫鈞鑒亥密兩宮十七日到太原聖躬均

萬安直省京協各餉請速解行在盼切廷簫叩

黃道來電

光緒二十六年八月二十日到

皓電諒鑒頃探報回稱津京電報洋人已設通惟鐵路尚在
趕修並探得六國兵官已於水師營務處海防公所吳楚公
所三處為憲台預備行轅

寄黃道

光緒二十六年八月二十日巳刻

閱盛電馬撥只能遞津之界口聞丁家立係各國委辦天津府事
汝當與素識應致函請給執照腰牌以便過卡官員難往敵境亦
與丁商辦議約須在京城為時尙早俟到津後察酌

寄廷護直督

光緒二十六年八月二十日巳刻

旨令赴天津先接印但抵津後如何情形久暫均難預定洋界內
委員難往或俟進京開議時再送印在京亦可接篆希妥酌洋報
英哨探隊在盧溝南三十里與我軍小戰俄兵一隊在南苑南面
被圍調兵接應不知是何軍隊若拳匪恐引其深入耳

江督劉來電並致盛京堂鄂督

光緒二十六年八月二十日到

鄂兩效電悉須向各國立言方克有濟請中堂飛電榮相下
併獨對密陳與前事一同宣發益覺切實措詞亦易至回
鑾尙宜從緩此時兩宮必不願回京若爲俯允各國之請
在保與在晉似無異也德欲窺伺徐海如確戰恐爲黑龍江
之續不戰將爲膠澳之續卓見若何祈速示爲東南計正爲
全局計盼甚

覆江督劉峴帥

光緒二十六年八月二十日

電稿二十六

七

號電悉德窺伺海嶺查孫懸揣恐未必然尊處可勿過慮

東撫袁來電並致各將軍督撫

光緒二十六年八月二十日到

各省將軍督撫諸帥鑒昨接山西恩晉臬台函稱兩宮初
五六抵大同駐蹕太原當在中秋左右晉垣行宮及王
大臣行館倉皇預備大致就緒惟用款闕如乞籌糧餉趕速
協濟並轉電東南各省等情謹轉達

廷護直督來電

光緒二十六年八月二十日到

寒電悉鐵路洋工司李嘉樂德郭海時愷弟畢納弟等五名
前接盛京卿來電卽飛飭該地方官妥爲保護嗣奉中堂致
正定鎮電已立卽加封轉遞迄無回信已經函詢現在李嘉
樂等五人總可無虞至在安州拳廠洋人男女小孩五名昨
由沈署臬司委員迎至省城畿輔學堂妥爲安置多兵保護

除仍分飭保護外合先電聞再已片奏周臬司接署藩篆暫勿入 覲請轉飭兼程來保為盼

鄂督張來電並致盛京堂江督光緒二十六年八月二十日到

連日詳詢英德領事並小田覆電德並無窺伺長江意似屬

可信惟聞德欲踞徐海事勢頗為近之必欲和局早定方免

生波頃讀陝轉八月十五日 寄諭 朝廷之意蓋以二十

六日罪己之 詔即為謝過之 旨竊謂二十六日之 詔

是告臣民語似非告外國語海內臣民讀之痛心疾首無地

自容然說此次閱衅語似較少恐各國尚不以為真心謝過

奈何

寄周臬司 光緒二十六年八月二十日

頃接廷護督電已片奏周臬司接署藩篆暫勿入 覲請轉飭兼

電稿二十六

程來保云鴻定廿一航海赴津望速赴保勿來謁

江督劉來電 光緒二十六年八月二十日到

兩效電悉由榮入手必可無堅不摧欽佩曷極此後電商要

件擬請杏蓀兄轉遞頃接陝撫電應否由公先行覆奏祈酌

德署粵督來電 光緒二十六年八月二十日到

效電悉劉永福六營前經電奏應否改赴西省俟奉 旨如

何再行電達郭學海王得勝兩營即飭遵辦謹覆

姚道自濟甯來電 光緒二十六年八月二十日到

聞保防喫緊藩庫鉅款似宜先移請憲裁文棟寄稟

東撫袁來電 光緒二十六年八月二十日到

效電敬悉遵已咨會梅提督合勦直省勦匪 明諭可否乞

飭電寄為叩

覆東撫袁慰帥

光緒二十六年八月二十日

效電悉昨奉電

旨令督勦直匪已有明示但未見耳執事可放手爲之

日本李使來電

光緒二十六年八月二十日到

篠電行期遵告外部聞慶邸晤西德言盼鈞駕早日到京云

端護陝撫來電

光緒二十六年八月二十日到

巧電已於十九日卯刻由六百里加緊馳遞矣謹聞

覆彼得堡楊使

光緒二十六年八月二十日午刻

篠電已囑陝撫速遞太原 行在樞廷代奏請 旨鄙議俟各軍全撤即可 回鑾應派慶邸在京與各國會商交收鴻在津或往京商議和局總望俄居閒排解或可速結此意已附奏俟得 旨難速達可否先向外商催開議

華盛頓伍使來電

光緒二十六年八月二十日到

諫電悉中堂北上美廷允電京津美提督沿途保護

端護陝撫來電

光緒二十六年八月二十日到

八月二十日巳時奉到由太原六百里遞來十七日 行在

軍機處 寄諭謹電呈奉

旨李鴻章電奏悉明降諭旨及

派員交收兩節均係題中應有之義惟此時突動在京尚未知開議與否該大學士亦未進京遽有此旨不免未同而言著仍遵前旨迅速赴京會同奕劻榮祿商辦開議俟議有端緒卽行馳奏候旨核辦此旨由端方轉電李鴻章知之欽此東撫袁來電並致盛京堂江鄂督光緒二十六年八月二十日到讀十五電 旨似可乘此進言罪在朕躬悔何可及而其實罪在臣下如聯名痛劾諸禍首不但可謝各國謝臣民尤可

爲兩宮剖白以昭聖德前擬會奏件已酌就否甚盼

寄護晉撫李筱帥光緒二十六年八月二十一日

據駐滬法總領事白藻泰稱平陽府之南一帶有法教士若干名被拳匪所困希調兵援救如不認真辦理卽日調在京聯軍前往勦辦等因應卽飭屬查明從速懲辦毋令再生枝節致礙和局

鄂督張來電並致盛京堂江督光緒二十六年八月二十一日到

頃聞日本人密告述日本外部語云議和大旨剛董治罪某

王罷黜管束賠款改政四事不必回鑾不欲割地但願

諭旨明言此事爲某某三人庇匪所誤以致干眾怒釀巨禍今已悔悟必嚴懲求各國恕過允和云云語須切實誠懇卽可開議各國雖不甚滿意於榮亦不拒榮與議等語如此似尙有辦法惟傳此語者切屬鄙人密之此事鄙人斷不敢

電稿二十六

三

干預既有所聞不敢不飛達請傳相籌度可否卽日向小田密詢之或電木齋密詢至要今日晤德穆使後渠語意若何並望示覆

河督任來電光緒二十六年八月二十一日到

蒸電敬悉聞俄允撤兵出京師不日赴津確否德人有無作梗乞速示汴電早斷置之不問亦奇

德署粵督來電光緒二十六年八月二十一日到

效電謹悉十五電諭敦促北上倚任之隆盼望之殷捧讀

再三同深感憤惟祝重洋穩渡養望節勞先定危機徐圖補

救是所企禱

新疆饒撫來電光緒二十六年八月二十一日到

寒電敬悉伊犁並無備兵欲動之事六月博領事調兵二百

餘違約入卡欲分住綏定甯遠馬署鎮前往理論博云聞京事驚懼欲自衛乃均駐甯領事府地方官擬調兵祺不允與長將軍商以鎮靜處之俄兵見伊無事自回昨又報薩馬到俄兵數千不知何故祺仍飭鎮靜處之勿妄動長將軍上年購毛瑟二千六月運至薩馬爲俄扣留乃在省借用二百照常操練餉弁順帶回伊或因此藉口耳吳領事駐省彼此坦懷相與無疑知此閒無動作也祺謹覆

伊犁長將軍來電

光緒二十六年八月二十一日到

伊犁並無動兵之事惟領事寄耳目於投俄陝回若輩造謠播弄領事爲其所惑張皇具報已電覆楊星使辯明決不開衅乞放心

金陵郭道等來電

光緒二十六年八月二十一日到

電稿二十六

三

電示二十一一起節直隸賑撫想中堂自必再請其各省京官除赴行在及出京外遭難留滯在京者實爲可憫直等擬乞中堂到京後擇派各省京官分別查明函知各省外官籌資周給各願各省多寡不拘似於大體有裨可否乞鈞裁

江督劉來電並致盛京堂鄂督東撫

光緒二十六年八月二十一日到

中堂效電慰帥號電均悉俄允商各國撤兵而必欲兩宮

回鑾德新使致香帥電必欲先辦主持拳黨之人而後開議參觀各路電報大旨均不外此殆慮全權於此事不易辦到故欲待回鑾後劫制使行耳用意狠毒是回鑾未爲安

策然若遷延不辦恐各國變其宗旨愈久愈不可收拾連日苦思惟有密陳先發制人又慮董擁重兵近在肘腋恐激變端擬請中堂設法密奏直達兩宮先將端剛趙從輕褫職

明降 諭旨歸罪於三人以致種種愧對各國故先罷斥以爲謝過之據云云此等處分有何大礙該王大臣分應爲國任咎爲 主分憂隨後徐徐圖之董或解其兵柄或令赴任總期速離 君側方易措手毓則俟 回鑾後再辦亦可統祈中堂酌奏坤願列銜香帥慰帥與否蓀何如

彼得堡楊使來電

光緒二十六年八月二十一日午刻到

咸電撤兵 還宮篠電復詳言之至嚴懲首惡各國均有同心允卻兩難事殊棘手遷都談何容易卽遷亦須擇地山陝土瘠民貧偏安非計況我往寇亦能往主是謀者其經濟可知刻下洞澈時局惟公一人餘子不足數也際此時艱成敗難必惟有我盡我心質之我師以爲何如吳克計閏初到滬俄艦久待似未便卻其美意行期定乞示諫電已遵告外部

華盛頓伍使來電

光緒二十六年八月二十一日到

效電悉屢經切實聲明彼堅索中堂電爲重今再切達總統外出俟派定員數再電福未確

盛京堂轉慶邸來電

光緒二十六年八月二十五日到

李中堂來電悉本爵已奉便宜行事之 命與中堂會商和

局立待開議希由海道迅速來京盼切八月十五自大沽發

盛京堂轉慶邸來電並致各督撫

光緒二十六年八月二十五日到

洋兵進京 兩宮西狩本爵奉便宜行事 諭旨會同李相

議和卽須開議 宗社安危關繫重要希嚴飭各屬竭力保

護在華洋人及教堂教民如有匪徒滋擾立卽盡法懲治勿任再生枝節致誤大局八月十八自大沽發

寄上海盛京堂

光緒二十六年八月二十五日酉刻

廿一二阻風廿三開今午後抵沽俄派員來接明早至塘沽乘火車往海防公所暫住派人進京查看寓所約五六日後北上由通州進京會商慶邸津德綫務速籌接德兵赴京南勦拳匪尙無往保定確信速轉護督務將庫款挪存河開或定州爲要並轉致峴香及鈔示方兒滬甯寓

盛京堂轉慶邸來電 光緒二十六年八月二十六日到

慶邸號電盛大臣元電計達此開急待開議遲恐生變希轉

催李相即日起程何日可到速電覆云

慶邸來電 光緒二十六年八月二十六日巳刻到

巧電悉已達日葛使轉告各國兵官俟閣下到津設法一路保護斷無疏虞即希由津迅速赴京以便商酌開議萬勿刻延至要

覆慶邸 光緒二十六年八月二十六日巳刻

漾電敬悉鴻廿五午抵大沽俄廷派該提督接護前進今晚到津暫住擬派人赴京看定寓所即行赴京謁商德統帥月杪至滬聞各國欲俟德兵將到齊始能開議王爺與各使晤面已有端倪否

盛京堂轉端護陝撫來電 光緒二十六年八月二十六日到

廿二由太原省六百里遞到軍機處八月十九日奉 旨李

鴻章等電奏均悉該督等所請各節均依議欽此又奉 旨

李鴻章轉楊儒電悉撤兵尙係空言俟見諸實事理當致謝

奕劻計到京多日該大學士何以尙未起行著迅報起程日

期爲盼欽此請寄達傅相爲荷

盛京堂轉端護陝撫來電 光緒二十六年八月二十六日到

廿二由大同縣六百里遞到軍機處初七日奉 旨李鴻章

電奏閱悉具見憂國惴忱初三日因崑岡等奏報與赫德會晤情形已命慶親王奕劻星馳回京會同該大臣商辦一切事宜著仍遵前旨乘坐輪船迅速來京會同慶親王力挽危局所請添派榮祿等一節所見甚是著卽派劉坤一張之洞隨時函電會商榮祿現辦防務著俟該大臣到京後體察情形再行請旨將此電諭知之欽此謹電聞並請盛督辦轉達傅相爲禱

盛京堂轉榮相來電

光緒二十六年八月二十六日到

榮相養電霽電敬悉二十日於獲鹿將不能卽赴行在情形由慰廷轉達台端刻下惟有先與慶邸晤商爲第一要義但祿應何日赴津赴京敬候籌覆祈先通知各國並由尊處派委員來保迎護爲叩

東撫袁來電

電稿二十六
光緒二十六年八月二十六日到

頃接榮相廿日函稱中途先奉旨保護畿輔繼奉旨會辦全權不敢請留已由平定州折回約廿二可抵保定請轉電中堂先與各國說明保護方可入京盼覆云謹達乞覆並轉告或就近由津京逕覆

鄂督張來電並致盛京堂江督東撫

光緒二十六年八月二十六日到

峴帥號電悉深佩忠讜滬號電亦到恭譯須分先後之諭似於各國注意先辦之事尙未深悉但鄙意此事若由疆臣言之不如請傅相據各國電文言語原文上達爲妥若據各國語轉奏總宜由全權大臣言之既合分際亦有力量上意現專倚傅相棟以存亡繫之責以旋乾轉坤所言雖難辦亦不以爲忤況全權未派江鄂上意自有斟酌設畏罪者

以外臣挾制之語行其讒更難轉圜矣頃見一旗籍守舊謬人致鄂省同寅舊人函痛詆東南督撫尤奇者竟指爲皆係新黨語意甚險久聞京官旗人此類議論甚多不可不慮若傳相奏而不行大局益壞當再合疏助之再外人未指責天水似可緩或爲作一陪筆耶若諸帥欲論某某則必須劾董各省公疏劾之極嚴若朝廷稍予從寬彼自不至爲亂昨保定探隨扈單統領有岑馬無董或不在太原昨錫藩電兩奉朝廷寄調原派駐正定之湘鄂兩軍赴行在日內計已到似有深意如必慮董妄爲頃已電詢晉陝得覆再辦亦可惟各國不肯開議語太平淡須直言不肯停戰方能動聽此摺似宜傳相單銜管見未知是否統請峴帥慰帥裁酌鄙人實未便列銜祈鑒諒頃箇卯電想達盼覆

電稿二十六

三

盛京堂轉端護陝撫來電

光緒二十六年八月二十六日到

廿二軍機字寄十九日奉

上諭朕恭奉慈輿暫行巡太

原本非久計長安爲自古帝王都山川四塞集據上游著端方審度形勢於西安省城酌備駐蹕之所沿途蹕路所經並飭地方官豫爲籌備現在時勢多艱度支竭蹶朝廷嘗膽臥薪務崇儉德該署撫當仰體憂勤惕厲之懷一切概從省約毋許稍涉奢糜是爲至要將此由六百里諭令知之欽此謹

電聞

盛京堂轉端護陝撫來電

光緒二十六年八月二十六日到

傳相馬電會奏已照繕於廿二日未刻馳遞謹覆並請盛督

辦轉達傅相爲禱

盛京堂轉巴黎裕使來電

光緒二十六年八月二十六日到

諫效電悉外部云已電水師提督遵照矣奉撥經費叩謝
廷護直督來電

光緒二十六年八月二十六日到

二十日接榮相咨爲咨行事本閣大臣於八月十六日准軍
機大臣字寄十四日奉 上諭前因榮祿奏稱擬俟防務佈
置妥協卽赴行在當經諭令該大學士仍駐保定力顧畿輔
大局茲據李鴻章疊次電請添派王大臣會辦議款除已命
慶親王奕劻星馳回京並與劉坤一張之洞函電互商外卽
著添派榮祿會同辦理並准其便宜行事該大學士如已赴
獲鹿著卽退回保定俟李鴻章到津後妥爲商辦大局所關
安危係之存亡亦係之該大學士爲國重臣受恩最深當不
忍一意藉詞諉卸也李鴻章原電並鈔給閱看將此由六百
里諭令知之欽此遵 旨寄信前來本閣大臣當卽由平定

電稿二十六

三

折回計二十五日可抵保定相應飛咨等因除分電外合亟
奉聞再亥密電敬悉已遵卽不動聲色加意嚴防矣并陳
盛京堂轉善將軍來電

光緒二十六年八月二十六日到

聞各國議論德大隊及其統帥到華和局難定駐廈英領事
告陳道同書云宜趁早將德使被戕先請 旨優卹云答以
前與 國書只云近因民教相仇致貴國使臣克林德猝被
亂民傷害曷勝惋惜數語本太輕請 旨優卹雖遲而勝於
無已轉請傅相酌辦云

盛京堂來電

光緒二十六年八月二十六日到

慰帥漾電頃接榮相廿日函稱中途先奉 旨保護畿輔繼
奉 旨會辦全權不敢請留已由平定州折回約廿八可抵
保定請轉電中堂先與各國說明保護方可入京盼覆等語

謹達乞覆便轉告或就近由津京逕覆云裴式楷及各洋人所言攻圍使館有中軍號衣爲證榮相會議恐彼藉口如可奏請改赴 行在乞電劉張袁會銜電奏

寄盛京堂

光緒二十六年八月二十七日

頃晤杜稅司告以尊處來信凡寄京津皆由其轉遞各處電報致津京亦交該稅司轉屬英美軍綫速寄至榮相電屬轉商各國保護進京俟面商再電覆希先轉致尊議欲請各帥會奏榮仍赴行在甚有見鴻遠隔不便可否據實代電商

盛京堂轉劉張王袁來電並致慶邸榮相

光緒二十六年八月二十七日到

款局須速開議遲則生變目前要義計有四端一俄允撤兵雖空言然致謝亦空言無妨以此羈縻並託其勸德二屢聞德有窺海州圖江北意李木齋亦有此電善將軍電虞英領

電稿一十六

三

謂宜趁德隊未全到先請 旨將德克使優卹云西例應如何優卹請速商酌知照德新使及聯軍三各國謂和局不定聯軍必西追無論遠近皆深入現已有攻保定說宜早商停戰免致不可收拾四日本有言若有誠心悔過 諭旨卽不

回鑾亦可開議廿一日傅相會奏卽是誠心悔過若奏明照此辦法可勿 回鑾前奏庶可邀在總之無切實辦法各國難允開議不開議卽不停戰卽禍無底止停戰開議確是一事請連說聲明以見事機萬緊統祈鈞裁

盛京堂來電並致江鄂督東撫

光緒二十六年八月二十七日到

頃德使面談華兵戕我使臣故與各國不同德王訓條若非交出四凶不准停戰開議再四與商乃云惟有 光緒皇帝親自電致德國皇帝將使臣克林德被害切實惋惜優加禮

卹答以六月曾致 國書惋惜答云措詞輕率且非專件現
在此著是我私語因貴大臣請我設法故以直告如此電能
得體要國王或可稍息愠怒漸有轉機此言核與善將軍所
述英領事言先請 朝廷優卹德使相合應請中堂主稿速
會劉張各帥銜電奏如有 國電請軍機處電滬以便代轉
呂使代交德穆使代遞彼謂兵戕已有實據前 國書諉爲
亂民傷害彼決不允似以含渾爲安

寄端護陝撫飛遞

行在軍機處

光緒二十六年八月二十七日亥刻

頃抵天津接江督劉坤一楚督張之洞皖撫王之春東撫袁世凱
公電稱款局須速開議遲則生變目前要義計有四端一俄允撤
兵雖空言然致謝亦空言無妨以此羈縻並託其勸德二屢聞德
有窺海州圖江北意李盛鐸亦有此電善聯電廈門英領謂宜趁

電稿二十六

天

德隊未全到先請 旨將德克使優卹知照德新使及聯軍三各
國謂和局不定聯軍必西追無論遠近皆深入現已有攻保定說
宜早商停戰免致不可收拾四日本有言若有誠心悔過 諭旨
卹不 回鑾亦可開議二十一會奏卽是誠心悔過若奏明照此
辦法可勿 回鑾總之無切實辦法各國難允開議不開議卽不
停戰卽禍無底止事機萬緊祈裁又接盛宣懷電稱頃德使面談
華兵戕我使臣故與各國不同德王訓條若非交出四凶不淮停
戰開議再四與商乃云惟有 光緒皇帝親自電致德國皇帝將
使臣克林德被害切實惋惜優加禮卹答以六月曾致 國書惋
惜答云措詞輕率且非專件現在此著係我私語因請我設法故
以直告如此電能得體要國王或可稍息愠怒漸有轉機核與善
聯所述英領事言請 朝廷優卹德使相合應請電奏如有 國

電請軍機處電滬代轉呂使交德穆使代遞彼謂兵戕已有實據
前 國書諉爲亂民傷害彼決不允各等語鴻過大沽晤俄水陸
提督據云除留兵千數百看守禁城外現已撤回兵五千似宜有
國書道謝俄廷未令停戰彼尙擬分攻瀋陽力勸暫緩德兵攻
陷房山亦有圖保定意若奉 國電特旨優卹克使由盛宣懷分
寄並將 等二十一日會奏宣明或冀早日開議聞德員在京拏
獲戕害克使之旗兵供認確鑿措詞宜稍斟酌因京津電報不通
未及會商慶親王事機緊急合先專電請代奏伏候 聖裁

盛京堂來電

光緒二十六年八月二十八日到

樞廷譯署務須得人方可懲前毖後現在 兩宮孤立無助
卽請尊處商之慶邸僭請以張香帥奎樂帥入政府以陶子
芳署兩湖王芄堂署四川並以楊子通盛杏蓀入總署當可

電稿二十六

元

得力安徽一缺似可以江甯恩藩司承乏可否伏候裁酌仍
候電覆坤有此峴帥電也大局轉移全在政府得人師與慶
邸爲天下薦賢確不可緩若再用人失當更無可望昨香帥
電師力辭要地已鈔函寄宣憂譏畏譏任事太勇一切見解
不合時宜此次不克隨侍北上實因不敢與聞交涉譯署尤
非所宜斷不敢入師若與邸言務乞刪除賤名至深感禱
盛京堂轉廷護直督來電

光緒二十六年八月二十八日到

號電謹悉接篆地方本代籌在津則誠如憲慮擬俟憲節到
京派員齎呈關防印信等件較愼仍候示遵英探所報一節
日前良鄉有拳匪斃英探一人之事英兵旋來該縣城外塔
上用礮俯擊城中斃傷殆盡該縣在盧溝橋南三十餘里或
卽指此俄兵被圍南苑亦屬拳匪現附京百餘里內外實無

我軍昨派徐鎮得標赴涿定等處勦拳該鎮不敢過涿州以
非恐外人生疑致誤和局

盛京堂來電 光緒二十六年八月二十八日到

慰帥電接太原信禮邸在京病新添端那兩邸入樞廷又接
慰電接應隊可請出使諸公另聯一軍措詞尤易力量亦大
朗西有肝膽請速密謀之如不願多劾可專指誤信邪匪倡
議招撫欺奏解散引匪入室致 宗社震動 乘輿蒙塵之
某相亦必有裨大局否請酌覆云似不如由鈞處電商子
通

盛京堂轉東撫袁來電 光緒二十六年八月二十八日到

頃准廷護督轉榮相咨奉十四日 諭添派榮祿會辦並准
便宜行事俟李相到津妥為商辦大局攸關安危存亡繫之

電稿二十六

當不忍諉卸等因欽此屬轉電謹節要達

寄彼得堡楊使 光緒二十六年八月二十八日午刻

東撫接太原信禮病端入樞擬請出使諸公將各國接應隊辭退
朗西有肝膽可令密謀否則另劾誤信邪匪招撫欺奏致危 宗
社之某相亦裨大局果爾公必與聞俄提阿力克西往返暢談深
明兩國交誼望密商外部奏請俄皇畀以全權赴京會議和局其
位望可兼制德帥俄廷倚重當可蒙允阿云除留護宮禁一隊餘
已撤回並聞

馮義和德州來電 光緒二十六年八月二十八日到

五月二十一日天津洋兵啟衅聶提督督隊鏖戰二十餘晝
夜六月十三日聶提督陣亡十八日天津不守義和統馬步
十六營兩次奉 旨護守北塘蘆臺一帶七月二十日京師

危 聖駕遷赴援未及五中憂憤現孤軍逼近強敵前護北塘後顧潘莊餉絀兵單情形難以言罄惟有督飭各將弁同心協守所夕不懈京東 陵寢重地十數州縣生靈關係在此義和祇得盡力仰答恩遇國人望節麾甚於望霖大局轉旋重資元老所有敝部戰守緣由知關塵系理合電聞如蒙訓示伏乞電飭至叩

盛京堂轉鄂督張來電 光緒二十六年八月二十八日到

端中丞來電初八六百里 上諭固原提督鄧增督帶隊伍迅赴行在著刻日起程欽此又適得鹿帥電 廷旨仍催馬安良帶隊入援又晉探隨扈王大臣多主戰 上意頗動又晉探 上意主幸陝而從臣多請 回鑾 西巡之舉尙無定議又八月初七 上諭端王授軍機大臣等語

盛京堂來電 光緒二十六年八月二十八日到

呂使覆慶王宥電感電遵告外部據稱刻尙不能議事德廷意在先將狂亂之人查明交出已知照各國政府轉電各駐使遵照辦理云俄法使到津否能否先議停戰端入軍機定計遷陝馬奏恐不應

盛京堂來電 光緒二十六年八月二十八日到

徑電已轉榮廷劉張袁及滬甯蕪寓津滬海綫已通德津綫仍難造津京綫爲最要白藻泰云須請中堂與各使商辦諸事已齊備京津兩局當用丹國人總管於洋報亦便德穆使已允商德提督日內卽派公平來津安平卸空卽遣回盛京堂來電 光緒二十六年八月二十八日到

峴帥電滬兩宥電悉專電謝德是最要著宜速辦京晉往返

需時儻 國書措詞未得體要再有周折必誤事機杏蓀急電傳相卽日辦奏並將應如何措詞敘入奏內大局危急情形尤須切實陳明度必邀允頃端撫電 兩宮仍擬幸陝似可諫阻並請電傳相酌裁慰帥電政府擬致德皇電必難得體應請與德葛譯密商應如何措詞電由傳相請 旨云如遇葛商恐言重難請不如中堂酌擬電奏過滬時面與穆酌或云應派專使或是後文

沈署臬等來電

光緒二十六年八月二十八日到

廷護院派勦各處拳匪今得報徐得標范天貴將安肅拳首劉雙璧擒獲正法並勦殺百餘名梅軍門在滄州勦殺拳匪二千餘名涑水涿州白溝河等處亦均派兵勦辦特此稟聞寄德州轉遞保定榮中堂

光緒二十六年八月二十九日辰刻

電稿二十六

三

養電悉駐德呂使電外部稱必須將狂亂之人查明交出刻尙不能議事已知照各國政府遵辦云鴻於廿一瀕行密劾端莊剛等極知冒昧勢處兩難今端入樞垣慶邸恐亦無法聞德在京拏獲戕害克使之旗兵嚴究主使其統帥新使不日北來各國推執牛耳不知有何舉動停戰開議無期殊爲焦急擬遲數日進京晤商各使再請公來京會辦

端護陝撫來電並致各將軍督撫

光緒二十六年八月二十九日到

各省將軍督撫鈞鑒八月二十六日奉到二十一日由太原

六百里遞到軍機大臣字寄光緒二十六年八月二十一日

奉 上諭朕恭奉 慈鑿於十七日安抵太原何日西巡尙

未定期惟該省應行預備一切固不可過事鋪張亦不可誤聽訛言稍存觀望致一旦西幸諸事轉形倉促將此諭令端

方知之欽此遵旨寄信前來謹電聞

寄盛京堂

光緒二十六年八月二十九日

峴帥等公電弟與德使面談電均切實已單銜電奏德統帥到滬
晤否聞即日北來德兵急欲圖功先攻陷房山又奪北塘未知以
後有何舉動各國兵均聽調度看來開議尙早津綫係璞爾生承
造至唐沽電價極昂京津軍綫各國皆有一條恐難攙奪前擬先
通德津綫正爲此希酌

上海來電並致江鄂督

光緒二十六年八月三十日辰刻到

保定局宥電端莊兩邸奉

旨入值樞廷瀾公充御前大臣

拳匪主謀之譚道文煥奉

旨革拏已在滄州拏獲將解省

審辦其舊滄州拳匪經梅軍門痛勦斃匪千餘安肅匪眾勦

辦緊定興滄州有散者白溝河之匪一律勦洗以清省北驛

電稿二十六

道京兆署日人退出尹憲札大宛兩縣速回辦公云

